

禮記章句

禮記卷十之一

任啓運章句

表記

孔本第三十二丙本第三十一今定爲第三十一
五○表測日之臬居中而爲四方所取正本據

言仁者天下之表蓋道莫大於仁君子仁道立而
可爲民表人當於是取法也鄭謂德見於儀表似
未然篇中雖皆述子言然皆以已意爲主如中庸
例多以已語及詩書語參錯成文且有卽子言而
增損字句以就已意非如論語專爲記言也坊記
緇人亦然程子曰表記亦近道乎其言正凡八表

子言之。歸乎。君子隱而顯。不矜而莊。不厲而威。不言而信。

歸乎者道不行而思歸之歎也君子成德之名隱而顯高
身雖隱而道則顯也則朝臨民則見其矜蒞軍行法則用
其風於故施令則尚其言然君子固有不得矜持而德容
之敬人自畏之不待嚴厲而德威之肅人自憚之不待直
說而實德所孚人自信之此至德之符自
然之驗固有隱而顯者初不以窮達異也

右第一章

言君子之為民表者如此君子之學求仁而已求仁之道敬而已矣始於慎獨之念

影不愧終于篤恭而天下平未有不敬而能仁者故此第一支以敬言之其下八章雜引夫子言以終此章之義○表記八支皆以子言之起惟第七支亦作子曰

子曰君子不失足於人不失色於人不失口於人是故

子貌足畏也色足憚也言足信也甫刑曰敬忌而罔有

言在躬

表記三篇記者多引夫子語以發端凡是故以下皆記者所自言也凡引詩書亦記者所引彼放此

躬書作身○不失足動必以禮也不失色無戲慢也不失

言無鄙倍也記者引夫子言以申上章見君子操存審察

無時不然所以能不矜而莊不厲而威不言而信也甫刑

即呂刑忌畏也敬畏之至故不失口而無可憚之言畢言

一端而貌與

色可知已

右第二章

推君子之所以為表者不失足不忤色不失口君子儉身之學而心尤身之主也心

有不存則雖欲檢之而有不及檢者矣敬忌者所以直內而修身也

子曰：「褻襲之不相因也，欲民之毋相瀆也。」

得以免其外心之故，襲以充其

內心之敬，故禮必相襲也。若當褻而因前事之襲，當襲而因前事之褻，則瀆而非所以為禮矣。蓋民之情，瀆則亂，襲則治。聖人憂其瀆懼其亂，故于人所易忽者謹之，謹之于其似可忽且忽之亦無大害者而後于所不可忽者不待言而惕若矣。此聖人謹禮于微之意也。

右第三章

以敬之見于被服者言之，舉一褻襲而凡服物采章之辨可知矣。

子曰：「無辭不相接也，無禮不相見也，欲民之毋相褻也。」

曰：「初筮告再三瀆瀆則不告。」

辭相接之言，禮相見之辭，無辭無禮而接見是相褻也，易

象卦象辭言求教若初筮之誠則有辭亦有禮故可據見而吉之若再三則辭瀆而禮亦瀆瀆則反為褻矣

右第四章

以敬之見于交際者言之

子曰齊戒以事鬼神擇日月以見君恐民之不敬也

擇日月謂

始仕時兩明之際上下之交尤不放忽也徐師曾曰祭鬼神皆卜日適公所亦齊戒此互文耳

右第五章

以敬之見于交神事君者言之即三者而制禮之意歟可知矣

子曰祭極敬不繼之以樂朝極辨不繼之以倦

祭以按鬼神因極敬

然至于獻酬笑語則樂起而敬易弛朝以正尊卑固極辨然謀政陶事或至日中及則倦起而辨易失故必慎終如始不可以樂與倦繼之也

右第六章

此因上章而又言其極蓋敬非難也敬而久為難終事而純于敬可謂能久矣

子曰君子慎以辟禍篤以不揜恭以遠恥篤厚也積于中目發于外故不

揜辟禍三者皆君子自然之效非有意為之然求免困辱者亦當勉于此也

右第七章

慎者敬之形于中篤者敬之存于中恭者敬之發于貌合此三者而敬為已備矣

子曰君子莊敬自強安肆日偷君子不以一日使其躬儻

焉如不終日

莊敬心之敏安肆心之縱志足以帥氣則身其身則筋弛骨緩稍惰委靡而日偷一日矣儻焉參錯不齊之貌久習于安肆而一日勉于莊敬則耳目手足俱與心不習愈參錯而難齊即一日有不能終者此小人之情狀也夫君子而豈使其躬至此哉蓋純亦不已者天德之剛自強不息者君子之學能以強則出勉而安可進于天德矣

程子曰常人之情幾放肆則日就廣蕩自檢束則日就規矩徐師曾曰日偷亦言君子者君子偶一安肆則亦入于偷也

右第八章

上六章敬之散殊此一章敬之統體也

子曰狎侮死焉而不畏也

狎謂親狎侮謂輕玩莊敬曰

狎侮者死焉而猶不畏則無復生之望矣以深警之

右第九章

此又永安肆日偷而極言之天命之性人

性則無以爲生亦無以爲死君子知天命之可畏

故戰戰兢兢至死不容少懈若子路之結纓曾子

之易簣死而後已凡以此也小人不知有此津欲

妄行無所忌憚視然人面鬼蹤尸行而心之死則

已久矣豈不重可哀哉子曰朝聞道夕死可矣彼

狎侮者何以死耶○記者引夫子言以申首章之

義者止此是爲第一支

利也仁者天德之元人心之主天下之理必以是為歸故曰天下之表義者天則之宜人心之宰天下之事必于此取裁故曰天下之制報者彼以是來我以是往順物而施因物而應自合乎天理之則人心之安此仁之所以為至義之所以為盡也故曰天下之利

右第十章

天下之理仁而已矣仁萬善之統也君子之學所以自仁其身出而為治亦所以仁

天下之民也義之與仁分之則二合之則一蓋義即仁之制也至于因物付物而不以己私與焉則報亦即為仁之用而非有二矣其下三章又引夫子之言以申之

子曰以德報德則民有所勸以怨報怨則民有所懲詩曰無言不讐無德不報太甲曰民非后無能胥以寧后非民無以辟四方子曰以德報怨則寬身之仁也以怨報德則

刑僂之民也。仁者民之所德而不仁者民之所怨為君者因
之所怨而以怨報之則民皆戒于不仁如此則報誠天下
之利矣其詞與論語小異彼以常人之施報言此以君之
治民言也詩大雅抑之篇太甲商書篇名記者引詩言言
之怨雖小人且讐之德之施雖小亦必報之見報之必不
能已也引書言民有德怨而非君為之報則無以相安君
而不以民之德怨為報則亦無以為勸懲之法而觀示四
方見報之尤不可以或爽也不然以德報怨則民無所終
而妄情靡弱至于不振但非人所甚憾故其仁厚猶足以
免其身若以怨報德則不特民無所勸而拂人之性于是
為甚災必逮其身直為刑僂之民矣所謂殘賊之人謂之
一夫者也又引孔子之言寬身之仁漢
元帝是也刑僂之民夏桀商紂是也

右第十一章

承上報者天下之利而言以
德報德仁也以怨報怨義也

子曰無欲而好仁者無畏而惡不仁者夫下一人而已矣

是故君子議道自己而置法以民無欲而好不待有所勸

如是者天下一人而已豈可繁望之民哉故議道自己必求至于安仁之域而置法以民必使之有所勸有所懲也

右第十二章

承上仁者天下之表而言議道自己所以誘進天下

也
于仁

子曰仁有三與仁同功而異情與仁同功其仁未可知也

與仁同過然後其仁可知矣仁者安仁知者利仁畏罪者

強仁仁者人之所趨故有其事雖仁而意所從來不盡然

可知過者人之所以避有事實道而撰之理而正問之心而

安則出于其心之誠而非有爲而爲可知矣安仁者無欲而好仁無畏而強不仁者也利仁者好仁而無以尚惡不

仁而不使加乎其身者也

長記

仁

之可好而不仁之可惡亦將有得于己若夫強仁則心實不知仁之可好與夫不仁之可惡特以畏罪而不敢為不仁耳是三者可好之所為皆在于仁疑若功之同者而畏罪者之心則猶未可知其情異也○按論語言觀過知仁謂過之中亦可見仁耳非謂必求之過也仁者右也道者左也諸子述聖言而失其本旨類如此

仁者人也道者義也厚於仁者薄於義親而不尊厚於義者薄於仁尊而不親此下記者之言言仁道本一如人之有左右而人之右每順而易左每逆而難仁出乎人心之自然道立于義理之當然其順逆難易亦有如此者安仁之人道在于身隨其心之所欲無非道所當然則即仁即道即人即義而左右合矣若夫利仁之人或為好仁者則慈祥之意多而不足于義人見其親不見其厚或為惡不仁者則嚴毅之氣勝而不足于仁人見其厚不見其親人是人而義是義未能適合也道有至義有考至道以王義道以霸考道以為無失陳據至道三句

改上為有至有義有考玩上文知不然故從原本。言道者左也。似不若仁者右之安而亦有至者焉。始于勉終即于安也。道者義也。原不若仁者人之順而更有考者焉。未能力月為其強也。人至則已。即于安以善養人。包含徧覆。故可以王義則為其利。循理而行。為人表率。故可以伯至。十考道雖曰強仁者其仁未可知。然兢兢于畏巽則亦可以為無失矣。

右第十三章

水上義者天下之制而言利仁者能以義自制強仁者亦制于義而不收為非

也。至于道有至則由義以進于仁。義有考則畏義而不取入于不仁。是置法以民者亦莫非所以為仁也。此為第二支。

子言之仁有數義有長短小大中心慍怛愛人之仁也率法而強之資仁者也。詩云豐水有芑武王豈不仕詒厥孫

謀以燕翼子

鄭木布武王烝哉句

數世之仁也國風曰我今不闕皇

恤我後終身之仁也

詩今作躬皇作遑○仁之理無所不

有數也安仁者仁而已矣利仁強仁者則資乎義以取仁

而取之者又有長短小大焉至道者由利仁以進乎安仁

之域其取之者大而長者道者未能利仁而始為強仁之

事其取之者小而短進于安仁則中心慊慊隨其所遇而

愛自形仁在于我自及乎人也勉為強仁則循法而行兢

兢畏罪是資乎仁以治己初非有得于己也詩大雅有聲

之篇仕事燕安也翼復藉之意言豐水猶有芑武王豈無

事乎謀及其孫以安庇其子此武王之事也引以証中心

慊相其為仁太所及亦長之意國風邶谷風之篇言我今

日之事猶有不及謀者遲恤後世乎引以証率法而行其

為仁小所及

亦短之意

右第十四章

此又因上章而言見利仁強仁之事皆所以為仁而其數自別也其不四章又

引夫子之言以明之

子曰仁之爲器重其爲道遠舉者莫能勝也行者莫能致也取數多者仁也夫勉於仁者不亦難乎是故君子以義度人則難爲人以人望人則賢者可知已矣仁者本心之謂重矣終身由之而不虛其道可謂遠矣非宏不能勝其重非毅無以致其遠是天下取數之多誠莫如仁也如是而欲以身體之至死不懈不亦難乎然此乃義之盡也以此自責則可若樂以此度之人則人之能至此者寡幾無一人可與于仁不若以人所可能者望人曰能如是亦足爲賢而人亦鼓舞而思有以自見張子所謂以衆人望人則易從是也

右第十五章

此承上仁有數而言見任重道遠者君子之所以仁其身以人望人者君子之

所以誘進天下于仁亦前章義
道自己而置法以民之意也

子曰中心安仁者天下一人而已矣大雅曰德輶如毛民
鮮克舉之我儀圖之惟仲山甫舉之愛莫助之小雅曰高
山仰止景行行止子曰詩之好仁如此鄉道而行中道而
廢忘身之老也不知年數之不足也俛焉日有孳孳斃而
後已鄉鄉通俛勉通○中心安仁則仁者也故不可多見
其次則在自勉而已大雅烝民之篇仲山甫宣王臣
樊侯字也言德在人宜乎易舉然人莫能舉也我謀度其
能舉者仲山甫一人而又自憾其不能有以相助引以証
其為器重之意小雅車鄰之篇言高山為人所仰大道為
人所行夫子讀詩而嘆其好仁言鄉道而行至于中道其
力已竭猶不敢怠益勉于行死而後已引以証其為
道遠之意如此則雖曰始于利仁終必至于安仁也

右第十六章

承上器重道遠而言見仁雖難能而勉之則可至此利仁之極幾于安者也

子曰仁之難成久矣人人失其所好故仁者之過易辭也

子曰恭近禮儉近仁信近情啟讓以行此雖有過其不甚

矣夫恭寡過情可信儉易容也以此失之者不亦鮮乎詩

云溫溫恭人惟德之基

信近情于石梁曰當作情近信○首一句孔子之言人人下記者語

也言可好者莫如仁而不仁者多皆失其所好則有志于仁即不能無過其過亦易辭也又引子言仁與禮信皆性

之德而其于心苟未能然而恭不侮人亦近于禮儉不奪

人亦近于仁情不欺人亦近于信矣記者言人于此三者

敬以行之務自盡于己又讓以行之不敢上于人則有過

亦必不甚故易辭也又反覆咏嘆之言天下惟傲者多開

也詩大雅抑之篇其積于下而累之則日高也恭是以爲德之基而儉與情亦可知已蓋仁雖難能而恭儉情三者亦所由至于仁之道也

右第十七章

承上言仁雖難能而爲之則有其基此利仁之末至于安而能自立者也

子曰仁之難成久矣唯君子能之是故君子不以其所能者病人不以人之所不能者愧人是故聖人之制行也不制以已使民有所勸勉愧恥以行其言禮以節之信以結之容貌以文之衣服以移之朋友以極之欲民之有壹也小雅曰不愧于人不愧于天制行之行去聲呂云移當讀博今如字○首二句孔子之言今見大戴禮徐皆記者語也唯君子能之則不可榮貴之人人矣若以已之所能病人人所必不能者愧人則貴

之太過而人益畏其難是絕人于善故君子不爲也且夫
人之勸勉每起于其可能人之愧恥每生于其可能而不
能故聖人之制民行也不以已之所能制之而但就民之
可能者制之使之勸勉使之愧恥則聖人立教之言行矣
結者固之使不忘移者遷之使不覺極者相逐而偕至禮
節而信結者教之實異其容貌衣服者教之方又使其同
類並驅而爭先以爲教之助如此則其勸勉愧恥之心自
有所不能已此聖人之循循善誘而使天下同歸于仁也
小雅彼何人斯之篇可能而不能則俯愧是故君子服其
人仰畏天愧恥生而勸勉自不容不切矣

服則文以君子之容有其容則文以君子之辭遂其辭則
實以君子之德是故君子恥服其服而無其容恥有其容
而無其辭恥有其辭而無其德恥有其德而無其行是故
君子哀經則有哀色端冕則有敬色甲冑則有不可辱之

色詩云維鵜在梁不濡其翼彼記之子不稱其服

記詩作其○申

上文言服君子之服則必不可輕儇跳躍而文以君子之容是所謂衣服以移之也有其容則必不可荒浪笑敖而文以君子之辭是所謂容貌以文之也外有其辭則必思內有其德是信以結之內有其德又必思外善其行則禮以節之至于禮節則不惟言之且實行之矣而使之以如此者乃在衣服以移之始是故衣服乃使勸勉愧恥之妙也君子服衰經則容貌必哀服端冕則容貌必敬服甲冑則容貌必武皆服其服必有其容也則服君子之服能不文以君子之容哉恥服其服而無其容而無其辭無其德無其行之恥相迫而並集矣詩曹風候人之篇鵜水鳥不當在梁以比小人不當居君子之位彼候人而服赤芾其不稱不可恥乎則服其服而無其辭無其德無其行之恥必也又反覆以申衣服以移之妙

右第十八章

承上言仁雖難能而君子之誘進人者固有其道不特使之畏罪已也此亦強

仁之事而亦庶入利仁
之域矣。此為第三支。

子言之。君子之所謂義者。貴賤皆有。事於天下。天子親耕。

染盛秬鬯以事上帝。故諸侯勤以輔事於天子。

人皆知賤

不知貴亦有所事。貴莫貴于天子。而其事上帝也。且必親耕以供染盛秬鬯焉。夫然後義明于上。而天子有事。諸侯必勤以輔之。凡大夫以下莫不各勤其事也。

右第十九章

自此以下皆以下事上明君子之義

子曰。下之事上也。雖有庇民之大德。不敢有君民之心。仁之厚也。是故君子恭儉以求役仁。信讓以求役禮。不自尚其事。不自尊其身。儉於位而寡於欲。讓於賢。卑已而尊人。

小心而畏義求以事君得之自是不得自是以聽天命詩云莫莫葛藟施于條枚凱弟君子求福不回其舜禹文王周公之謂與有君民之大德有事君之小心詩云惟此文王小心翼翼昭事上帝聿懷多福厥德不回以受方國詩凱作豈後同○厚猶至也役用也有庇民之大德可以君民矣而猶不敢有君民之心是愛敬其君之至故曰仁之厚也統而言之則曰仁分而言之則愛曰仁敬曰禮仁禮存心本無可見而恭儉敬讓則所以用之而見諸行事之實言其恭則不以功能濟人而自尚其事不以人多歸已而自尊其身言其儉則不以尊位為樂而寧處其卑不以厚祿為欲而寧處其寡言其讓則于賢必推之使進寧卑已而尊人言其信則小心以事君唯恐失君臣之義役仁役禮如此凡以求吾心理之至是而已若夫得失皆天命也聽之而已何容心哉詩大雅旱麓之篇凱弟易回邪也

條枚茂密無心于葛藟而葛藟自施之君子凱弟無心于百福而百福自歸之引以証君子惟役仁役禮而得失皆聽天命之意凱近禮弟近仁也古之聖人若舜好生之德禹之祇台德先文之怙冒西土公之勤施四方非皆有君民之大德乎然舜之讓德禹之祇承文之服事公之孫虞非皆有事君之小心乎詩小雅大明之篇文王惟以翼翼之小心事君而上帝自與之以多福即至于方國之受亦以德受之而非有求福之回也舉文而舜禹公可知

右第三十章

言必如舜禹文王周公乃爲人道之極也

子曰先王諡以尊名節以豐惠恥名之浮於行也是故君子不自大其事不自尚其功以求處情過行弗率以求處厚彰人之善而美人之功以求下賢是故君子雖自卑而民敬尊之子曰后稷天下之爲烈也豈一手一足哉惟飲

行之浮於名也故自謂便人惠張子作愈或曰善也。論
善惟節取其一善之大者樂之取名之過于實也夫子論
論若此然則人豈可名過哉故君子之有事也不為本大
而求處情實不為奇而求處篤厚不敢閉抑賢士而以
身下之自卑如此宜無稱矣然不伐不矜而功名究莫尚
者故民自尊之也又言夫子言后獲豈常手足之力可
及而后獲不以大功自處但言吾不過便習民事而已君
子之自卑固如此也

右第二十一章

歷引夫子之言以明君子之所為議者止此。此為第四支。

子言之君子之所謂仁者其難乎詩云凱弟君子民之父母
凱以強教之弟以說安之樂而毋荒有禮而親戚莊而
安孝慈而敬使民有父之尊有母之親如此而後可以為

民父母矣非至德其孰能如此乎

說音悅樂音洛也首二句夫子之言其所謂仁

統全體記者述之則專以君道言也詩大雅洞之篇凱如凱旋之凱強盛而喜樂也強教肅之以禮說安和之以恩說安則樂而濟以強教故不荒強教則有禮而濟以說安故又規此君子修之政以及民者也威莊體之形而安則威而泰孝慈樂之實而敬則和而簡此又君子修之身以而民者也君子出乎身加乎民無往不兼父母之道故民亦以父母之以母親之也然非實有剛柔不偏陰陽合撰之至德而講寬嚴並濟之法則遇事而調之其失且有偏其者此仁之所以難而平日豫養其德于中和者誠不可以已也

今父之親子也親賢而

下無能母之親子也賢則親之無能則憐之母親而不尊

父尊而不親水之於民也親而不尊火尊而不親土之於

民也親而不尊天尊而不親命之於民也親而不尊鬼尊

而不親水懦弱易玩火猛烈難犯土即地也天遠而地近
命造化之可見即神之至而伸者命自無而有鬼
自有而無命明而鬼幽命主生而鬼主死
也極言尊親之難兼而仁之難盡如此

石第二十二章

自此以下皆以上之治下明君子之仁。亦以申前仁義厚薄之意。

子曰夏道尊命事鬼敬神而遠之近人而忠焉先祿而後
威先賞而後罰親而不尊其民之敝蠢而愚喬而野朴而
不文殷人尊神率民以事神先鬼而後禮先罰而後賞尊
而不親其民之敝蕩而不靜勝而無恥周人尊禮尚施事
鬼敬神而遠之近人而忠焉其賞罰用爵列親而不尊其
民之敝利而巧文而不慚賊而蔽春音春愚按從春無義當作蠢與僇通

說驕愚如字。○命明之本然者尊命。但順民彝則威儀之則一由命而幽之一由命而明之皆所以尊命而所尚異也。蠢動也蠢而愚任天而動機智不生也木上棘曰喬言其子立無與也木未雕曰朴言其純質無非也野與不文則忠之過而人于鄙俗矣。蕩知之過索隱而不安行習之常故不靜勝行之過氣矜而漸入詭僻之途故無恥則質之變而入于欺詐矣。賞用爵列如九命。罰用爵列如八議之類。利便捷之意文矯飾之形賊鉤深致遠而棄性倍情蔽則昧乎天理之木然也。至此則文又極其弊矣。三代之治因時救弊而其弊又仰生于所救之中。所賴繼起之聖人善于補救而不失其平耳。

石第二十三章

歷言盡仁之難以起下二十七章之意。下三章放此。○王石梁曰未敢信

為孔子之言。然謂記者皆七十子之徒。記述聖言而未得聖人之意。類多語病。則有之。若謂偽撰而托之聖人。則亦太誣之矣。

子曰夏道未濟辭不求備不大望於民民未厭其親殷人
未瀆禮而求備於民周人強民未瀆神而賞爵刑罰窮矣
未濟辭教令不煩也求備責之詳大望責之厚卽所謂濟
辭也夏道近人故民亦親其上而不厭至殷則教之者詳
求備于民矣然上之制禮未密而民亦易從不見其強也
至周則民之精益求精而上之制禮益詳有似于強之者然
皆因人心自具之理而爲之節文未嘗瀆亂其神也風氣
日開而日薄故立法亦遞加而遞詳至周而刑賞之制皆
詳悉而無以復加矣秦漢以降棄禮而專求之刑罰
刑愈煩法愈密上下相遁不并其神而瀆亂之乎

右第二十四章

子曰虞夏之道寡怨於民殷周之道不勝其敝虞夏不求備不大望
故寡怨於民殷周皆因世道之敝而矯之然未瀆禮未瀆
神皆非有求勝其敝之心也蓋一有勝其敝之心則此

之心已與民為隔而不足以為教矣舊讀
勝平聲謂殷周立法其敝甚多恐未是

右第二十五章

子曰虞夏之質殷周之文至矣虞夏之文不勝其質殷周
之質不勝其文自質而文者時為之而虞夏之質殷周之
質故見為質而其質文足以副其質故質為至殷周亦尚
質而不求勝其文故見為文而其質文止足以稱其質故
文為至也若如大古之質周末之文則偏勝而不足以為
至矣○先子曰書言五采施於五色是虞夏之文易言白
質无咎見
殷周之質

右第二十六章

皆承上章
以起下章

子言之曰後世雖有作者虞帝弗可及也已矣君天下生

無私死不厚其子子民如父母有憺怛之愛有忠利之教
親而尊安而敬威而愛富而有禮惠而能散其君子尊仁
畏義恥費輕實忠而不犯義而順文而靜寬而有辨甫刑
曰德威惟威德明惟明非虞帝其孰能如此乎天生無私有
與也死不厚其子所授得其人也憺傷之切但痛之深飢
由已飢溺由已溺必水土平五穀熟而民生遂也忠盡其
心利順其理逸居無教則我于民有未盡之心教不順其
理之自然亦無以使民自得必敷五教敬以寬而民性復
也如是則誠有父之尊有母之親矣夫人之安者或不足
于敬威者或不足于愛富人以財則與之未必敬惠有所
謂則施之未必周而郊兼之此所謂允執其中也其君子
化于上之親而所尊者仁化于上之尊而所畏者義以義
份已則費亦恥之以仁及人則實亦輕之皆不私已而厚
人也夫忠直者或至犯顏義勝者或多忤物文而至于浮

則性湯寬而至于繼則容奸而其時之君子皆無之此所謂民協於中也又引書言舜惟以德為威故忠利之教不至于嚴急以德為明故拊恤之愛不流於姑息而尊與親兼蓋其道也或曰惟威者民皆畏之惟明者民皆喻之也通亦

右第二十七章

歷引夫子之言以明君子之所謂仁者止此言必如舜然後為君道之極

也○此為第五支

子言之事君先資其言拜自獻其身以成其信是故君有

責於其臣臣有死於其言故其受祿不誣其受罪益寡先

其言明道以告君也昔明其道而君以吾道為可行然後拜受其職其不為輕進可知既受其職則必自致其身以求踐吾所言者其不為徒說又可知如是則吾責難于君君亦以是責難者責我上下交修也既言於前雖死不得

始終不變也如是則受祿非素餐而必不以尺位獲罪矣
○應鑄曰古之為臣其經世之學皆豫定于胸中至于事
君則前定之規模先形于言以為藉然後自獻致命而無所
其信自非剛已以求售如書之自靖自獻致命而無所
柳也賦歎幡然數語及說命三篇伊傅先資之言也齊桓
之對燕昭之對管樂先資之言也言於先信於後無一不
酬若後世韓信登壇之對孔明草廬之策亦庶幾焉

右第二十八章

以下復以臣道言之前第四支所言臣道之極此所言臣道之常也君道

不分二等君議道者也陽一而陰二也

子曰事君大言入則望大利小言入則望小利故君子不

以小言受大祿不以大言受小祿易曰不家食吉

利者行之遠于

言大言入則望大有濟于斯世小言入亦望小有濟于斯
民而記者述之則謂利及于人亦及于已而我之受祿亦

隨之。倘以小言受大祿，則祿浮于功，不可以濫受。而以大言受小祿，恐不能遂其展布，亦不可以苟受也。又引易大畜象辭為受祿之証，或曰：利即祿也。○呂大臨曰：利及天下，澤及萬世，大利也。一介之善，一官之治，小利也。諫行言聽，斯利從之矣。先儒以利為祿，實非也。人臣事君，各効其忠而已。言人而望祿，實乃小人之道。豈所以事君哉？所謂不以小言受大祿，不以大言笑小祿，乃君之所以報臣，非臣所望於君也。愚謂呂說其正，不可不知。

右第二十九章

子曰：「事君不下達，不尚辭，非其人，弗自。」小雅曰：「靖共爾位。」

正直是與神之聰之式穀以女。

不下達，責難於君也。不尚辭，積誠以感也。非其人，弗

自不繫接以求進也。詩小雅小旻之篇：靖共恭也。言人能安靜恭敬而與正直之人則神聽之，而以福祿與汝矣。辭不尚辭也。恭不下達也。惟與

正直之人則非其人弗自矣。

右第三十章

子曰事君遠而諫則濶也近而不諫則尸利也

謂諸同呂大晦曰

凌節犯分以求自達曰諂懷祿固寵惟恐失之為尸利也愚按不諫之為貪利易見諫之為調難知明末陳啓新之流墜人早視其情矣

右第三十一章

子曰邇臣守和宰正百官大臣慮四方

通臣左右親近之臣貴養君心於和

順之地宰家宰揆黜陟之柄故貴正百官大臣三公九卿皆任天下之重故慮必周於四方其序先君德而次朝廷及天下宰亦大臣而任尤重故別言之

右第三十二章

言臣當各盡其職

子曰事君欲諫不欲陳詩云心乎愛矣遐不謂矣中心藏之何日忘之諫正君之失陳揚君之非詩小雅隔桑之篇心為之無日而忘者蓋欲格君之非又不欲揚君之失務為積誠以感而潛移默奪也○湯三才曰龍逢比干之諫可不謂陳乎然非二臣之心迫于不得已也愚謂二子當其變此章論其常

右第三十三章言愛君之心

子曰事君難進而易退則位有序易進而難退則亂也故君子三揖而進一辭而退以遠亂也辭進進以禮也易退退以義也人人以義理自持則大賢上而小賢下位有序矣不然人有就進之心必至不肖進而賢者退豈不亂乎記者言實主相見進退而迅速亦以預養是心于禮義使不亂也

右第三十四章

言進退之節

子曰事君者量而后入不入而后量凡乞假於人爲人從事者亦然故上無怨而下遠罪也

少儀○量君之足以行吾道而入故無怨於君

量已之足以勝其任而人故遠罪於已

右第三十五章

因上難進而言

子曰事君三違而不出竟則利祿也人雖曰不要吾弗信

也違去也去而滯滯是以去要利也○呂大臨曰孔子去魯遲遲吾行不忍于父母之邦也孟子去齊三宿出竟

王猶足用爲善也然卒出境以去君子之義可知已

右第三十六章

因上易退而言

子曰事君慎始而敬終

慎始不苟于進敬終不怠于宦成

右第三十七章

總言始終之節

子曰事君可貴可賤可富可貧可生可殺而不可使爲亂

馬晞孟曰在物者有命故可移在己者有義故不可奪○徐師曾曰君之所加命之所在也故順受而不苟爲趨避若使從君子昏則有義在焉雖富貴生全以誘之貧賤殺戮以迫之而終不肯從也

右第三十八章

言其節之堅

子曰事君軍旅不辟難朝廷不辭賤處其位而不履其事

則亂也故君使其臣得志則慎慮而從之否則執慮而從

之終事而退臣之厚也易曰不事王侯高尚其事

辟避通執執通

○食其祿必忠其事不可以臨難而避居其職必守其官
不可以位卑自諉不然或避難或辭賤是處其位而不履
其事大亂君臣之義矣記者又申之言言聽計從不敢自
恃而必恤應以從即已有去志而時與事有不可辭亦不
可倖倖而去必熟慮以從俟其已終乃致仕而去蓋必
去者義而不遠去者仁故曰臣之厚也又引易言惟不事
王侯乃可高尚其志耳可
居其位而不履其事乎

右第三十九章

因上不可使亂而言不特干名犯
義謂之亂即苟免苟安亦亂也

子曰惟天子受命於天士受命於君故君命順則臣有順

命君命逆則臣有逆命詩曰鵲之姜姜鵲之賁賁人之無

良我以爲君

詩委作強賁作奔○天者理而已矣君命順

天臣必逆之乃能以君順乎天也詩衛風鵲奔篇強強各
有界域奔奔前後相迫言鵲與鵲之相從亦以飛有疆

行有後先之故豈以人之無良者我可以為君而阿意以相順乎中君命逆則臣有逆命之意

右第四十章

因上熟慮而從而言蓋熟慮而從者必其事尚可委曲將順者也若逆命則斷

不可從矣○君所受命天也臣之受命于君亦天

也君知受命于天則不敢輕使其臣臣知從君之

天則亦不敢苟拘于君三代以下君驕臣諂以貌

相承以法相御以術相取皆不知有天命者也而

君臣之大義亡矣歷引夫子事君之訓而終此意深哉此為第六支

子曰君子不以辭盡人故天下有道則行有枝葉天下無

道則辭有枝葉說文器中空曰畫美于外而此中無有也

而葉則木盡矣天下有道人敦實行則由愛敬之心而發

于中為枝為葉其暢茂條達自不容已也天下無道人無

實行以矯偽之心而發言為枝為葉其繁蕪凋落亦變

然可觀也此誠偽之分而世道人心迥乎異矣陳辭曰不

變已表記

卷十一之一

以辭盡人謂不可以言辭諱見其人之貧蓋有言者不
必有德也此世教盛衰所致故以有道無道言之亦通是
故君子於有喪者之側不能賻焉則不問其所費於有病
者之側不能饋焉則不問其所欲有客不能館則不問其
所舍故君子之接如水小人之接如醴君子淡以成小人
甘以壞小雅曰盜言孔甘亂是用餽此下記者之言賻之
能而但問之是以口為惠而實不至矣如水言其淡如醴
言其甘此以辭不以辭之分也行至故成行不至故壞詩
小雅巧言之篇饒食之進也其言孔甘如食之美然而其
行則盜亂之招也不終壞乎○翔曰淡則餘不盡之味甘
則美先

右第四十一章

此以下皆以
交際言之

子曰君子不以口譽人則民作忠故君子問人之寒則衣之問人之飢則食之稱人之善則爵之國風曰心之憂矣於我歸說衣食皆去聲說音稅○以言與人曰譽口與之無歸也其于我歸息乎是不亂以口與人也

石第四十二章

子曰口惠而實不至怨積及其身是故君子與其有諾責也寧有已怨國風曰言笑晏晏信誓旦旦不思其反反是不思亦已焉哉諾者許之已者却之始而却之雖不免致怨然終不害為信若始諾之而終負之其責大矣故君子不輕諾也國風衛氓之篇晏晏情之密且旦許之明其諾如此似乎可信然固不思復此言也賤言

之不思而輕為是諾何如已之而不諾哉引以証寧有已怨之意

右第四十三章 三章皆以言言

子曰君子不以色親人情疏而貌親在小人則穿窬之盜也與欺人以所不見君子之恥也

右第四十四章 一章以貌言

子曰情欲信辭欲巧以陳作考今從之○情相接之謬然以色親人辭而考則不以辭盡人謂自驗其實情而信則不矣○王石梁謂孔子惡巧言此決非孔子語毛奇齡謂善工曰乃讀上聲僞工曰乃讀去聲按詩書論語皆無訓善上者

右第四十五章 通結上四章○此為第七支

子言之昔三代明王皆事天地之神明無非卜筮之用不

敢以其私褻事上帝是以不犯日月不違卜筮卜筮不相

與也不犯日月冬至祭天夏至祭地四立迎祀五帝春分

朝日秋分夕月其日月有定他祭祀卜日不可犯此

一定之月日也不違卜筮既占得吉當即用之不可又違

其日也卜筮不相與天子諸侯之祭川卜大夫士用筮皆

聽丁也大事有時曰小事無時曰有筮外事用剛曰內事用

柔曰不違龜筮大事如南北郊小事如五祀時享無時日

之意外事若類龜山川內事若宗廟則日若甲丙戊庚子
曰牲牷禮樂粢盛是以無害乎鬼神無怨乎百姓陳移不
句置案盛下謂二者皆卜非牲有上禮樂案盛無上○時
日既上遂以牲牷禮樂案盛致其誠敬以交神明鬼神享

之是以錫之福而災害不生災害不生則百姓亦賴其德而無有怨惡矣

右第四十六章

此下又舉敬事之大者言之蓋以申第一支未盡之意

子曰后稷之祀易富也其辭恭其欲儉其祿及子孫詩曰

后稷兆祀庶無非悔以迄于今

兆詩作肇○富者福也福者備也辭恭欲儉無過望

于神其為福也易矣然神福之而祿及子孫其為福也不又備乎孔子讀詩生民篇而贊之記者因以其詩實之見循懼罪悔者辭之恭止求無罪悔者欲之儉而迄于今則祿已及子孫矣明子所云者指此

右第四十七章

子曰大人之器威敬天子無筮諸侯有守筮天子道以筮

諸侯非其國不以筮卜宅寢室天子不卜處太廟

考鬼神物能知

天非故其器可畏可敬而不可廢記者言是二者皆大人
之器而龜尤重于策故天子有守龜無守策諸侯亦有龜
而不故止于天子但言有守策也龜尊不敢以行故天
子于道但用策諸侯于國用策若于道亦不敢以著行也
傳說天子以天下為家故在他國亦策諸侯非其國不
嫌于有異謀也亦通諸侯出行必卜所居之室策不出
反以龜行要亦非寶龜也天子巡守必
處諸侯之太廟有定法無為用卜矣

右第四十八章

子曰君子敬則用祭器是以不廢日月不違龜策以敬事
其君長是以上不瀆於民下不廢於上祭器置筮尊彝
如神明也一句孔子之言孔曰事君諸侯于天子事長亦
國子大同卜之而用祭器以享與事鬼神同則其敬可為
民則而不瀆于民民亦
敬其君而不廢其上矣

右第四十九章

古人重卜筮非惑于鬼神也不故自

能自聳其德以至千神明而必受命于天也後世不惑焉而已○此為第八支第一支言教而此復言故者君子之學始終一教也一于教則為上為下治幽治明無所不當而所謂仁義禮一以貫之矣

禮記卷十之二

任啓運章句

坊記

孔本第三十篇本第三十三今定為三十六。

坊記坊所以止水陳澧曰君子以道防民之失猶以隄遏水之流愚按上篇言表示人所當從此篇言坊示人所當戒其文雖述夫子語亦以已語參錯成文如表記也程子疑為黃仲舒賈誼輩所作

子言之君子之道辟則坊與坊民之所不足者也大為之

坊民猶踰之故君子禮以坊德刑以坊淫命以坊欲

首二句孔

子語見大戴記記者述孔子語以見名篇所取義坊民以下則記者所自云也人生而有仁亦生而有欲然人心惟危道心惟微微者日消而不覺危者日縱而不知故人之欲無涯而求達其欲者每苦于不足此貪妄之心所為決四出而不可禦也德所得于天之性禮則天理之節文也因其情之自然而制之以禮則可以得其情之所安而

禮記

坊記

卷十之二

一

性不至于蕩滅所謂禮以坊德也如是而猶有縱欲無節者則刑以威之使知所懼而不敢肆則刑以坊淫所以齊禮之不足也即畏于刑而不敢忘于欲則欲羨畔援之意猶存故又告以富貴貧賤皆有命在而非我所能為則或知其無益而遂止此命以坊欲又所以濟刑禮之不及也

右第一章此一篇之大旨下皆承坊民之意而推言

者生民有欲惟禮可以制之刑者聖人之不得已而命亦聖人所罕言也然則言禮而刑與命已在其中矣

子云小人貧斯約富斯驕約斯盜驕斯亂禮者因人之情而為之節文以為民坊者也故聖人之制富貴也使民富不足以驕貧不至於約貴不嫌於上故亂益亡

約氣歎驕氣盈盜取

非其有亂則越禮而犯分也。聖人禮以制之，不拂其情而與之以節，富不足驕，若家富不過百乘，貧不至約，若一夫受田百畝，貴不慊于上，若卿大夫士各有限制，不得踰分而求快足也。

右第二章

子云：食而好，樂富而好，禮衆而以寧者，天下其幾矣。詩云：民之貪亂，寧爲荼毒。故制國不過千乘，都城不過百雉，家

富不過百乘，以此坊民，諸侯猶有畔者。

好去聲。樂音洛。樂者自忘其食好。

樂則知性，分自有可樂而欲求得之，不當以貧而約也。有禮者自忘其富，好禮則知品節，必不可越而務遵守之。不當以富而驕也。尚德者自不見己之有衆，以寧則知衆之不足恃而不數以衆暴寡也。三者已非德之至極而猶不多見，蓋深歎之。詞詩大雅桑扈篇：民之貪亂，且有甘心荼毒者，安望其好樂好禮而以寧乎？聖人制禮坊民，家國

有等而猶有時背籍國者况無禮乎正以見世道之漓人心之險而禮之不可一日以已也。按論語言貧而樂此增一好字與下句為對而深淺迥別則不特記者所自撰未必悉當即每章首述聖言而失其旨者亦多矣。

有第三章

皆申首章之旨為第一支禮之所坊者多矣而此二章專言貧富以富貴為人大欲

所存也自此以下分二大支一言辨上下一言別內外

子云夫禮者所以章疑別微以為民坊者也故貴賤有等

衣服有別朝廷有位則民有所讓

疑如陰疑于陽既盛而相似微若履霜之初方

始而可危章之別之則疑者辨微者著矣位謂班列之上下三者皆所以章州之也

有第四章

言禮所以辨上下其下又雜引孔子之言以申之

子云天無二日土無二王家無二主尊無二上示民有君

臣之別也春秋不稱楚越之王喪禮君不稱天大夫不稱

君恐民之惑也詩云相彼盩旦猶尚患之蓋作渴○家無

庶統于逸也會無二上若官有篆宰會有主盟師有元師

席有長賓皆是也春秋之法諸侯請諡于王則葬以諡係

爵若蔡桓侯不請諡則葬從其臣民之辭若齊桓公晉文

公是也借王若書葬楚其土則無異于天子故不書葬也

諸侯大夫士通相君臣然諸侯稱君不稱天大夫稱主不

稱君為嫌也盩旦之鳥夜鳴求旦人尚惡之况居下而僭

右第五章 承章疑別 微而言

子云君不與同姓同車與異姓同車不同服示民不嫌也

以此坊民民猶得同姓以弑其君君之路車出有陪乘同

則疑貳君故不同車異姓無疑矣而猶不同服總以示民
不嫌也春秋時弑君而代其位多出同姓故尤謹之○鄭
氏曰惟在軍則同車同服

右第六章

亦上章之意

子云君子辭貴不辭賤辭富不辭貧則亂益亡故君子與
其使食浮於人也寧使人浮於食貴賤謂爵之尊卑貧富
謂祿之厚薄君子審富
貴故有辭安貧賤故不辭君子固不以大言
受小祿然終不若祿過于我才德之可恥也

右第七章

承上有所讓而言
下七章皆此意也

子云觴酒豆肉讓而受惡民猶犯齒衽席之上讓而坐
民猶犯貴朝廷之位讓而就賤民猶犯君詩云民之無辜

相怨一方受爵不讓至于已斯亡惡酒肉之不美者古人坐有上下牀之別一食而老少異饌教尚齒也一坐而上下異位教尊貴也進爵必讓恐去君不遠也詩小雅角弓之篇言民之無良者其相怨皆止知有己不知有人嗜位而貪進矣夫上以讓教民猶犯之况受爵不讓不以爭教乎亦終必亡而已矣引則証犯君之意

右第八章

子云君子貴人而賤已先人而後已則民作讓故稱人之君曰君自稱其君曰寡君莫尊于君而已之君猶為之謙則在已者無所不讓可知已

右第九章

子云利祿先死者而後生者則民不倍先亡者而後存者

則民可以託。詩云：先君之思，以畜寡人。以此坊民，民猶備死而號無告。詩畜作勗。利賞也。賞無定數，祿有常額。臣及其家厚之道也。借借死，託託生。詩抑燕燕之篇，莊姜言莊公既死，戴嬀當大歸之時，猶以先君之思勉我，引以証不借死之意，號無告生無可託，但悲號而無與訴也。

右第十章

子云：有國家者，貴人而賤祿，則民興讓；尚技而賤車，則民興藝。故君子約言，小人先言。貴有德之人而不吝其祿，尚皆勉于才德矣。約言，一辭脫之，不為口惠也。先言，口雖許之而實不與若。宋祖以使相許曹彬是也。

右第十一章

子云上酌民言則下天上施上不酌民言則犯也下不天
上施則亂也故君子信讓以泄百姓則民之報禮重詩云
先民有言詢于芻蕘天視自民視天聽自民聽人君每施
一政必斟酌于民言則上之施公平
周徧而民亦戢之如天矣不然上違民欲則上犯理而下
逆上令則下亂政豈不胥失之哉信心之實讓心之虛實
心為民而又不取自是則上信者民必不敢欺上讓者民
必不敢抗而戢之如天是報禮之重也詩大雅板之篇引
以証上酌民言之意

右第十二章

子云善則稱人過則稱己則民不爭善則稱人過則稱己
則怨益亡詩云爾爾策履無咎言子云善則稱人過則

稱已則民讓善詩云考卜惟王度是錫京惟龜正之武王

成之

詩履作體度作宅○不爭不以已爲是也爭在事怨

謾其美于人更不止無怨也上詩衛氓之篇下詩大雅文

王有聲之篇無斧已之履度錫王之功而皆歸美于卜筮

善則稱神與稱人一也昔者聖人建陰陽天地之情立以爲易易抱

龜南面天子卷冕北面雖有明知之心必進斷其志焉示

不敢專以尊天也善則稱人過則稱已教不伐以尊賢也

祭義○申上兩引詩之義見善則稱人非徒口議也上易

謂易書下易謂掌易之人陰陽天地之情不可見而易悉

載之而出是聖人建之以示人也故當卜筮之時雖以天

子之明知尚不敢自決而必聽命于天其嚴恭寅畏之意

實有與天通則夫善則稱人其虛懷下善之意亦實有與

人通者而非僨退讓之虛辭也○應鑄曰易書也抱龜人

也易之道不可屈故不北面而南面臣之位不敢踰故不
曰人直曰易過按此知古之上龜亦用易特今亡其術謂
易止可用之筮耳孔子贊易
不曰以卜筮者倚其占乎

右第十三章

予云善則稱君過則稱已則民作忠君陳曰爾有嘉謀嘉
猷入告爾君于內女乃順之于外曰此謀此猷惟我君之

德於乎是惟良顯哉

梅賾書君作后此作斯。作忠臣忠而民亦知尊君也君陳鄭云周公次

子按竹書成王七年周公留治洛邑十一年公歸于豐王
命周平公尹東郊蓋伯食君陳皆與成王同學四年伯食
就封于魯繼公之定命此君陳繼公之治洛也其後世為
周公蔡沈曰言切于事為謀合于道為猷良以德言顯以
名言蓋君陳與王最親起居服食左右皆其所同故當如
此此成王舉其舊精以明其賢非謂臣道盡當然也梅賾

增人臣咸若時句失其義矣記
者引之以証善則稱君之意

右第十四章以上多言君臣

子云善則稱親過則稱已則民作孝泰誓曰子克紂非子

武惟朕文考無罪紂克予非朕文考有罪惟予小子無良

泰誓周書引以証

善則稱親之意

右第十五章以下多言父子

子云君子弛其親之過而敬其美論語曰三年無改於父

之道可謂孝矣高宗云三年其惟不言言乃謚之即改之

之意敬其美志必繼之事必述之也論語亦子言而別稱
者見已所述多得之傳聞不若論語為親受樂門人所記

示謹也。高宗逸書篇名。鄭疑卽高宗之訓。今見周書無逸篇者。謹作雍。蓋高宗之父小乙在商爲中主。事必多可。改而未改者。高宗三年之內。絕不言其當改。三年之外。乃言及之。人旣喜其能改。又嘉其不遽改也。謹悅也。

右第十六章

因上善則稱親而言見過則當改之而特不可遽也

子云。從命不忿。微諫不倦。勞而不怨。可謂孝矣。詩云。孝子

不匱

念當作息。○親命所當從。則從之。而不敢怠。所謂敬其美也。有不可從。則幾諫。以望其改。而不敢倦。所以

弛其過也。甚至親怙過。而或加以責讓。亦起孝起敬。而不敢怨。凡以求諫親于道而已。詩大雅既醉之篇。見孝子之

孝無有止息之時也

右第十七章

因上弛親過而言甘受其勞。而必望其改。斯其過必有大焉。而不可曲從者矣。

子云。睦於父母之黨。可謂孝矣。故君子因睦以合族。詩云。

此令兄弟綽綽有裕不令兄弟交相爲瘡

禮父之黨四母之黨三皆父母

所愛也睦之則父母之心悅故可謂孝因是睦之之心而設合之之禮若所謂以逮諸父以逮諸舅也詩小雅角弓篇兄弟本出一人之身故能孝者必友而其心綽綽寬裕即推之而徧睦父母之黨不難也若不孝者于兄弟且交相病矣況其黨也哉

右第十八章

因上不置而言此愛之所推也

子云於父之執可以乘其車不可以衣其衣君子以廣孝

也車賤故可假衣貴故不可假敬父之執友如父以廣孝也

右第十九章

此敬之所推也

子云小人皆能養其親君子不敬何以辨子云父子不同

位以厚敬也。書云：厥辟不辟，忝厥祖。小人能養不能敬，若惟其敬也，受爵且不敢同于父，而必辭之。君况其他乎？書逸書：今見太甲篇，辟法也，尊也。古者臣于君子，于父妻于夫，皆稱辟，以為效法所在，不敢不敬也。若干父而不敬，則由父而上，不且辱其祖乎？蓋非孝則無可推也。○按上牛節，即答于游問，孝語而文異，知所引述多非本文，蓋論語大馬，即小人之比。馬周疏所云：少失父母，犬馬之養，無所施也。

右第二十章

心于敬親者無往非敬如此

子云：父母在不稱老，言孝不言慈。閨門之內，戲而不歡，君
子以此坊民。民猶薄于孝，而厚于慈。不稱老，不敢自以為父也，不言慈，不敢以
父道自居也。戲者，若已猶孩，赤然欲親之樂，不歡，恐使親憂也。

右第二十一章

心于愛親者無往非愛如此皆因不置而言

子云長民者朝廷敬老則民作孝子云祭祀之有尸也宗

廟之有主也示民有事也修宗廟敬祀事教民追孝也以

此坊民民猶忘其親

上老老而民興孝理之常也乃上之人不惟生事盡孝至死而猶立尸以

象之立主以依之且修廟以奉主故祀以奉尸教民不忘至矣而猶有忘者何哉或曰敬老謂養老之禮亦通

右第二十二章

又因則民作孝而言

子曰敬則用祭器故君子不以菲廢禮不以美沒禮故食

禮主人親饋則客祭主人不親饋則客不祭故君子苟無

禮雖美不食焉易曰東鄰殺牛不如西鄰之禴祭實受其

福詩云既醉以酒既飽以德以此示民民猶爭利而忘義
用祭器見表記禮主于敬不以物薄而廢不以物豐而淡
試觀饋食有親不親之殊則賓有祭不祭之異甚至有以
不敬而不食者是所重在敬不在物之菲與美也易既濟
九五爻辭東鄰謂紂西鄰謂文王禴祭之薄者竹書紂六
年文王初禴于畢易言祭之盛不如薄者之獲福是不以
其廢也詩大雅既醉之篇言醉者酒而飽者德是不以美
沒也敬則義可受不敬則物雖美亦利而已矣

右第二十三章

因言禮而類及之此一章賓主饗食之禮

子云七日戒三日齋承一人焉以爲尸過之者趨走以教
敬也醴酒在室醕酒在堂澄酒在下示民不淫也尸飲三
衆賓飲一示民有上下也因其酒肉聚其宗族以教民睦

也故堂上觀乎室堂下觀乎上詩云禮儀卒度笑語卒獲
承奉也室戶內諸酒俱詳禮運淫猶貪也味薄者近厚者
遠所以教民不貪于味主人主婦賓長各一獻尸故尸飲
三然後主人獻賓此大夫士禮若天子則尸飲七矣詳祭
統上飲多而下飲少所以示民有等祭畢宴同姓于寢所
以教民睦族夫堂上者觀室中之禮堂下者又觀堂上之
禮則所以示民教民者可不肅乎詩小雅楚茨之篇言賓
主無不中禮以明室中堂
上堂下無不可觀之意

右第二十四章言祭禮

子云賓禮每進以讓喪禮每加以遠浴於中霑飯於牖下
小斂於戶內大斂於阼殯於客位祖於庭葬於墓所以示
遠也般人弔於壙周人弔於庭示民不偕也子云死民之

卒事也。吾從周。以此坊民。諸侯猶有薨而不葬者。言賓欲遠進為禮之節以形送死即遠而不遠遠且遠而終不偕為情之厚也徐伯魯分下子云別為一章按檀弓所述喪禮孔子從殷者多此斷指反哭一事餘詳檀弓

右第二十五章

子云升自客階受弔于賓位教民追孝也未沒喪不稱君示民不爭也故魯春秋記晉喪曰殺其君之子奚齊及其君卓以此坊民子猶有弑其父者。既葬反哭猶升自客階受弔于賓位不忍代父為主也既即位封內三年稱子不解君不忍代父為主也魯史官聞晉奚齊之弑在獻公既葬後即稱君此國史之體而在之子必沒喪乃稱君者公羊子曰緣臣民之心不可一日

無君緣始終之義不可一年兩君不可曠年無君緣孝子之心則三年不忍當也愚按孟子堯舜崩皆三年之喪畢猶避位天下民歸之乃即位故竹書皆三年後始書元年不以曠年無君為嫌也至商乃于次年書即位矣至周乃益詳未葬稱子先君尸柩猶在也葬即稱君國不可一日無君也此臣民之辭也在國史則逾年正月必書即位不論未葬及葬之久此始終之義也在嗣君則于封內三年稱子此孝子之心也孔子春秋三年內弒則稱君正名義也會盟則稱子存惻隱也

右第二十六章 喪禮 二章言

子云孝以事君弟以事長示民不貳也故君子有君不謀仕唯卜之日稱二君喪父三年喪君三年示民不疑也父母在不敢行其身不敢私其財也示民有上下也父母在

饋獻不及車馬示民不敢專也故天子四海之內無客禮

莫敢為主焉故君適其臣升自阼階卽位於堂示民不敢

有其室也以此坊民民猶忘其親而貳其君

在家有父兄在國有君長

其理則一而人于君不免貳心蓋疑父必無二而君可擇
似不妨貳者聖人立教使卽以事父之孝事君事兄之弟
事長所以示民不貳也故既有君則不可謀事他君唯始
將出而祭仕則可稱二君以上所事耳若既仕而又謀仕
非貳心乎先王制禮君父同三年斬正見孝以事君其理
本一無可疑耳子之於父不敢有所擅不敢有所私臣之
于君不敢自爲主不敢有其家無往不然者正以見親不
可忘卽君不可貳也鄭訓君子爲人君之子貳君爲君之
副貳卜辭稱君之貳某若左傳
其卜貳用也似與上下文不洽

右第二十七章

前言君臣父子詳矣此合言之見
內則父子外則君臣其義一也

子云禮之先辭而後幣帛也欲民之先事而後祿也先財而後禮則民利無辭而行情則民爭故君子於有饋者弗能見則不視其饋易曰不耕獲不菑畲凶以此坊民民猶貴祿而賤行鄭本無辭而後三字或有之今按有之為是則利有攸往凶彼脫凶字而此引之亦畧也○禮相見之禮既見乃用幣是禮先于幣若朝聘之執圭時為禮及享始用幣帛也辭謂行禮之辭情謂欲利之情若君子先財而後禮不問其辭而推任其欲則民將惟知有利而至于爭奪矣故君子于執贄請見者不見則不視其贄見為禮而贄為利也易无妄六二爻辭言農者必有耕與菑之事始能享獲與畲之利若不耕而望其獲不菑而欲其畲是無事而食其祿也无妄之利能勿凶乎

右第二十八章

又因敘詠申言之言下之不虛取于上也

子云君子不盡利以遺民詩云彼有遺秉此有不斂穧伊
寡婦之利故君子仕則不稼田則不漁食時不力珍大夫
不坐羊士不坐犬詩云采葑采菲無以下體德音莫違及
爾同死以此坊民民猶忘義而爭利以亡其身詩尚有此
有不獲穧二句此疑文闕也○詩小雅大田篇刈禾而盈
肥曰秉不成把曰穧有餘而不盡取與螺寡共之引以証
不盡利遺民之意仕已食祿不當又稼田已獲獸不當復
漁食取物之新不當更求物之貴大夫食用少士用犬
庶人獲獸食其肉寢其皮大夫士當各有所餘以遺民也
詩衛谷風之篇下體根也詩非根莖皆可食但食其莖則
根之所發彌多而有以遺民并根食之則利盡矣上不盡
利則尚德之名昭而享其利者願為之死可專利以失民
乎

右第二十九章

言上之不盡取于下也。自四章至此皆以明上下之分為第二支。

子云夫禮坊民所淫章民之別使民無嫌以為民紀者也
 故男女無媒不交無幣不相見恐男女之無別也詩曰伐
 柯如之何匪斧不克取妻如之何匪媒不得莠麻如之何
 橫從其畝取妻如之何必告父母以此坊民民猶有自獻
 其身末二句舊在詩上今從陳結本伐柯齊風作析薪又
幽風亦有此四句但無爾之字○首言別以防淫此
言禮者刑禁于已然禮防于未然也人之大欲男女為其
故特言之詩齊風南山之篇有媒妁之言父母之命則將
之以禮而夫
婦有別矣

右第三十章

言禮所以別內外其下又

維引孔子之言以申之

子云取妻不取同姓以厚別也故買妾不知其姓則卜之
以此坊民魯春秋猶去夫人之姓曰吳其死曰適子卒春秋
大例如取齊則曰夫人姜氏至自齊死則曰夫人姜氏薨
昭公娶吳為同姓故干其至但曰夫人至自吳不書姬氏
死書其字曰孟子不書夫人姬氏薨也今
春秋無夫人至自吳之文蓋仲尼削之

右第三十一章

子云禮非祭男女不交爵以此坊民陽侯猶殺縶侯而縶

其夫人故大饗廢夫人之禮

陽一作縶縶一作縶一作縶一作縶

禮廢無嫌也大饗主享同姓及二王後后以瑞爵酌
也並保敬賓如事神也異姓自侯伯以下則宗伯攝之
侯相饗同姓夫人親獻異姓使人攝之或曰陽夢二國名
或曰違禮好內曰媼名與實爽曰媼兩侯蓋同姓之國

侯享陽侯其夫人美陽侯遂殺繆侯而竊其夫人其後各國以爲鑒雖同姓亦使人攝而夫人亞裸之禮于是乎遂廢也

右第三十二章

子云寡婦之子不有見焉則弗友也君子以辟遠也故朋友之交主人不在不有大故則不入其門以此坊民民猶以色厚於德

避遠以避嫌故遠之

右第三十三章

子云好德如好色諸侯不下漁色故君子遠色以爲民紀故男女授受不親御婦人則進左手姑姊妹女子子

而反男子不與同席而坐寡婦不夜哭婦人疾問之不問其疾以此坊民民猶淫泆而亂於族首句夫子之言好德如好色誠也好德則遠色矣漁色如漁者之取魚但以貪欲之心求之也禮諸侯不取國中卿大夫士之女上荒于色則下民化之而縱欲亂常人道之紀于是乎絕矣故遠色乃所以立民之紀也餘並見曲禮

右第三十四章

子云昏禮婿親迎見於舅姑舅姑承子以授壻恐事之違

也以此坊民婦猶有不至者

禮婦謂夫之父母曰舅姑夫謂婦之父母曰舅姑此舅

姑女之父母也承奉也子即女也劉向曰親迎諸侯以展

三兩加琮大夫士庶以展二兩加束脩夫人受琮取一兩

展履女正笄衣袞而命之女拜乃親引女手授夫子戶夾

行女從拜辭父母于室蓋女以從夫為正故親迎即承子

校之教以不敢違之義也時俗廢聘
有規迎而婦不至者故記者歎之

右第三十五章

自三十一章至此皆以
明內外之辨爲第三支

禮記卷十之三

任啟運章句

緇衣

孔本第三十三篇本第三十二今定為第三十

多好惡之理故以緇衣名篇其引子言與已語參錯成文亦猶表記坊記也

子言之曰為上易事也為下易知也則刑不煩矣

易事上之志是

平下易知下之情通乎上惟上易事故下易知易知則上下一心而刑自不煩矣。劉氏辨曰上之好惡失其正喜怒失其常則上難事下于是有匿其誠信以為容悅者屈其忠直以為阿諛者包其禍心以為詐偽者苟可以罔上而倖免無所不為則下難知此刑之所以煩也

右第一章

虛言之以起下章之意孔氏曰篇名緇衣而首章不及惟君明乃能好賢也

子曰好賢如緇衣惡惡如巷伯則爵不瀆而民作愿刑不

試而民咸服大雅曰儀刑文王萬國作孚國詩作邦○

此賢人之服繡衣也甚宜敵則我將爲子更爲之又將適
子之館僂還又授子以粢好之無已也巷伯小雅篇名言
取此器人投畀豺虎豺虎亦惡之而不食投畀有北有北
亦惡之而不受惟投畀昊天明殛其罪耳惡之無窮也上
之好賢如緇衣則下咸勸于善之可慕不必爵賞之頻加
而自勉于謹厚上之惡惡如巷伯則下咸休于惡之不可
爲并不必刑罰之偶試而自生其畏服也大雅文王之篇
文王克明德慎罰其好惡無不公無不盡也人能法文王
之好惡則萬邦自作孚矣

右第二章

天下之物有善必有惡人之情有好必有

好惡也誠意所以實此好惡也正心所以端此好
惡使無不中也卽至于天下平亦推此好惡以盡
其極耳不然意之不誠則爲慢爲過知之不真且
有好人所惡惡人所好愈堅而愈辟者故大學言

好惡最詳而其
道必自格致始

子曰夫民教之以德齊之以禮則民有格心教之以政齊之以刑則民有遜心故君民者子以愛之則民親之信以結之則民不倍恭以泄之則民有孫心甫刑曰苗民匪用命制以刑惟作五虐之刑曰法是以民有惡德而遂絕其世也

子慈通舊如字孫遜同命呂刑作靈○格去不正以歸于正也遜淹裁荷免之意卽所謂免而無恥也論語朱注至矣故君民下記者之詞慈信恭三者存之心卽爲德其行之有品節降殺卽禮也親遜不倍卽格也德禮之教至于如此則國之保有長世可知甫刑卽呂刑苗民九黎氏國法崇尤之惡顯頑誅之分其子孫爲三高辛之末復爲舊惡堯興誅之其存者猶不悛舜又寬之三苗之君不懲民以善故民皆習于惡君不反身修德而作制明

錄與死五虐之法以威民是以民興胥漸泯民禁禁而
遂過絕苗民無世在下也宋二句記者約呂刑語政刑
之效至于如此君民
者宜知所法鑒矣

右第三章

子曰下之事上也不從其所令從其所行上好是物下必
有甚焉者矣故上之所好惡不可不慎也是民之表也

下三

句記者語表正則正表邪則邪

右第四章

承上章以起下章

子曰禹立三年百姓以仁遂焉豈必盡仁詩曰赫赫師尹
民具爾瞻甫刑曰一人有慶兆民賴之大雅曰成王之孚

下土之式。澤教化浹洽而無不仁也。上詩小雅節南山篇。必無一人之不仁哉。蓋民之所瞻惟在于上。故一人有善則人皆賴之。上能成王者之信于天下。則下土自從而式之。故禹仁而百姓遂無不仁也。

右第五章

子曰上好仁則下之爲仁爭先人故長民者章志貞教尊

仁以予愛百姓民致行已以說其上矣詩云有棣德行四

國順之說悅同格古詩作覺。爭先人言向之者衆而相競也。章志好惡之公可共見。貞教好惡之正。

可共法記着言上之所志所教莫非尊仁之事。以此道民之心慈愛百姓而百姓亦知上好仁。爭從事于仁。以說

其上矣詩大雅抑之篇。格大而直也。爲民之表者大而直。則德行在我四國自從之。陳云當依詩作覺。能自明其德。

詩記 卷十之三 三

亦通

右第六章

子曰王言如絲其出如綸王言如綸其出如綽故大人不倡游言可言也不可行君子弗言也可行也不可言君子弗行也則民言不危行而行不危言矣詩云淑慎爾止不

愆于儀

絳緋同繫詩作愆○單曰絲比曰綸綸小絳大黃氏曰王言一出民所則效其端甚微其末甚大記

者謂不惟王者凡有位皆然游言者高而無實之言君子庸言之謹庸行之信祇在人倫日用之常若一求高則危而不安言之未必可行行之未必可成祇敗常亂俗而已詩大雅抑之篇止容止也引以証謹行之意行謹而言可知○晉人清言其禍至于神州陸沉浮言之不可倡也如是

右第七章

仁者心之德而為仁未有不自謹言行入者孔子告顏淵為仁曰非體勿言動勿視

聽繫易曰庸言之謨庸行之信閑邪存其誠孟子告曹交堯桀之分亦止服言行三者故下三章以

言行衣服言之

子曰君子道人以言而禁人以行故言必慮其所終而行

必稽其所敝則民謹於言而慎於行詩云慎爾出話敬爾

威儀大雅曰穆穆文王於緝熙敬止

行去聲。開導勸誘必稽夫言若欲禁人

不為則必身自不為而後人信從此二句孔子之言記者又言言必期其可復當慮其所終行不可有所偏當稽其

所敝謹言慎行如此則民亦化之上詩大雅抑之篇大雅

文王之篇君子道人以言則必先自慎其言禁人以行則

必先自慎其行而出語之慎威儀之教又不外于一心之敬焉人如文王常繼續其明德之功內無不敬而信與行

已緇衣

卷上之三

四

自各得其所止矣此明德之功即新民之本也

右第八章

子曰長民者衣服不貳從容有常以齊其民則民德壹詩

云彼都人士狐裘黃黃其容不改出言有章行歸于周萬

民所望行鄭讀夫聲朱子如字今從鄭。衣服不貳所服皆法服也從容于禮法之內而又有常安而且久

也如是則上之德壹矣以齊其民德豈有不壹者哉詩

小雅彼都人士之篇月忠信也記者引詩以証言狐裘黃黃則衣服不貳矣其容不遷其言有法其行必歸

右第九章

正以上言為君之道當正其好惡而好惡之

所以仁其身者也自此

以下又反覆推明之

子曰爲上可望而知也爲下可述而志也則君不疑於其臣而臣不惑於其君矣尹吉曰惟尹躬及湯咸有壹德詩

云淑人君子其儀不忒吉鄭云當作誥後同○君之待臣表裏如一故望其容已知其心臣

之奉職終始如一故述其事即知其志此上下所以相得絕無疑惑于其間也尹吉逸書篇名史記湯烈夏命作湯誥伊尹作咸有一德蓋言君臣之戚字合爲一德今其文見海書咸有一德篇記若引以証不疑不惑之意詩曹風鴈鳴篇言威儀之著于外一無差忒引以証可望而知可述而志之意

右第十章

此承首章而推言之前爲下統言臣民此獨言臣者臣之于君較民倍切也董子曰

正心以正朝廷正朝廷以正百官正百官以正萬民正萬民以正四方是朝廷百官尤四方萬民之

也則

子曰有國家者章義類惡以示民厚則民情不貳詩云靖
共爾位好是正直陳改義作善類作輝非○皇氏曰義善
者勸之實之于惡者懲之制之所以示民厚也如是則民
必不貳于惡矣詩小雅小明篇君子之所以靖共其職者
惟正直之人是好也章
在義則必類在惡矣

右第十一章

此承第二第三章而推
言之下二章亦此意也

子曰上人疑則百姓惑下難知則君長勞故君民者章好
以示民俗慎惡以御民之淫則民不惑矣臣儀行不重辭
不援其所不及不煩其所不知則君不勞矣詩云上帝板
板下民卒瘁小雅曰匪其止共維王之邦儀鄭讀長方如
字○疑善惡不

明所好者未必善所惡者未必惡也難知臣情飾說故爲
高論以欺君也記者言君能章好慎惡無私而當理不爲
偏任不爲兩可則上不疑而民衆著于善之必當爲惡之
必當去矣臣正身以正君其身有可象之行不徒爲諫諍
之辭且不援君所必不能及者以強君舉君所必不能知
者以煩君則下不難知而君亦喜于陳善之有方不苦于
責難之生畏矣上詩大雅板之篇不收斥君故呼上帝板
板反也人君好惡反當則民盡病上疑而百姓惑之証也
下詩小雅巧言篇人臣不止于敬則
王必病下難知而君長勢之証也

石第十二章

子曰政之不行也教之不成也爵祿不足勸也刑罰不足
恥也故上不可以襲刑而輕爵康誥曰敬明乃罰甫刑曰
播刑之不迪甫刑無不字當爲衍文○刑責鼓屬之大權
政之行政教之成全賴于此而可忽乎記者申

之言惟爵及匡人故不足勸刑及無辜故不足辱上之人斷不可忽也康誥南刑皆周害迪道也上教于刑則刑不棄而又降典以速于未刑之先則民知被刑之可恥矣舉刑罰而爵祿可見

右第十三章

子曰大臣不親百姓不寧則忠敬不足而富貴已過也大
臣不治而邇臣比矣故大臣不可不敬也是民之表也邇
臣不可不慎也是民之道也君母以小謀大母以遠言近
母以內圖外則大臣不怨邇臣不疾而遠臣不蔽矣葉公
之願命曰母以小謀敗大作母以嬖御人疾莊后母以嬖
御士疾莊士大夫卿士葉公作祭○大臣不親則章疏有
所不能盡而百姓不寧此蓋平日

君于大臣忠敬之心不足而但以富貴虛糜之故大臣不
得治其職而左右之臣且比昵于君以排奪之也記者申
其意言民之治否視乎大臣大臣不可不敬大臣之安否
由乎遇臣遇臣不可不恤必敬禮大臣慎選遇臣若宮正
以下皆受命于冢宰則大臣之好惡通臣先從之不得大
臣為民之表即通臣亦為民之道矣夫小臣之不得以謀
大遠臣之不得以間近內臣之不得得聞外皆國家一定之
體小不謀大則大臣不怨遠不言近則近臣不疾內不圖
外則遠臣不蔽通且不可使疾也况大臣可使以不親而
然乎祭公名謀父周公支孫別月于祭為穆王卿士顧命
將死而告穆王語見逸周書舊註楚沈
諸梁誤也引以証遇臣之不可比意

右第十四章

此承第四章第五章第六章而推言之見不

不敬也

子曰大人不親其所賢而信其所賤民是以親失而教是

以煩詩云彼求我則如不我得執我仇仇亦不我力君陳
曰未見聖若已弗克見既見聖亦不克由聖仇鄭並讀逮朱子上遂下
魯陳並讀警今從鄭○大人以位言人非甚不仁未嘗不
知所當賢所當賤乃明知其賢而畏而疎之明知其賤而
暱而比之則民益與賢為疎與不肖為暱即日教之亦何
益乎詩小雅正月之篇執柯繫之意仇仇私暱之意求則
而如不得亦知其賢也而又與彼為仇與此為仇是親其
所賤也亦不我力則終不親其所賢矣書之始恐弗見而
終弗出者亦然

石第十五章

因上忠敬不足而言

子曰小人溺於水君子溺於口大人溺於民皆在其所繫
也夫水近於人而溺人德易狎而難親也易以溺人口費

而煩易出難悔易以溺人夫民閉於人而有鄙心可故不
可慢易於溺人故君子不可以不慎也太甲曰無越厥命
以自覆也若虞機張往省括于厥度則釋兌命曰惟口起

羞惟甲冑起兵惟衣裳在笥惟干戈省厥躬太甲曰天作

孽可違也自作孽不可以逭尹吉曰惟尹躬天敗于西邑

夏自周有終相亦惟終易音異今書毋作無度上無厥字

今或作見梅書大作先○小人細民君子有位者也孔子

言凡事無不以敬成以喪敗記者申之專重溺于民怠閉

于入言然弱不能以自伸鄙心謂理義有利子已則趨之

言下已則叛之其向背無定也慎之則不至于溺矣引者

言民受天地之中以生所謂命也一有不慎則厥越其民

之命而覆亡亦及于已必如虞人之于桀其機既張而虞

之命而覆亡亦及于已必如虞人之于桀其機既張而虞

發之時再省其括之度而後釋不敢輕發也口易辟澤則
言不敢忽甲冑起兵則武不敢潰衣裳必命有德則率藏
之節于戈必討有罪則寧反之已誠以天之降禍猶或可
逃已之造禍必無可避是以不敢不慎而又慎也夫民之
治亂君臣皆有責焉而君為主伊尹常言我何事西邑之
夏桀而天敗之尹幾及焉惟君能以忠信自終相亦有終
耳不然及爾顛覆矣梅書改爲先見謂見
夏之先王夏禹少康去尹遠矣何從見之

右第十六章

此承第七章第八章第九章而推言之見不
特言行衣服當慎刻其政事尤所當慎

也。前六章皆言君當重其臣
此又言君身尤重也首益切矣

子曰民以君爲心君以民爲體心莊則體舒心肅則容敬
心好之身必安之君好之民必欲之心以體全亦以體傷
君以民存亦以民亡詩云背吾有先正其言明且清國家

以率都邑以成庶民以生誰能秉國成不自為正卒勞百

姓君雅曰夏日暑雨小民惟曰怨咨冬祈寒小民亦惟曰

怨雅梅書作牙資鄭讀至屬下句梅書作咨屬上句下亦增一咨字祈即通。子泛言君民一體而記者則專以

化道言也心莊二句先中心體之相關下乃言君民之相

關亦若此夫民以君為心則君不可不正已以率民君以

民為體則君不可不愛民以全已詩逸詩先正先世之能

正已以正人者言明清而庶民生不自正而民勞則君不

可不正矣君雅周書天寒暑而民止

怨况君有失政乎則君不可不愛民矣

右第十七章

陳澧曰承上大人溺于民之意而言

子曰下之事上也身不正言不信則義不壹行無類也臣

告君孰不以正然身者言之本身立于正而後言之則言

信而君亦樂從不然身不正則于義或從或違而不壹其

發之言者與其行殊不相類何以望君之信而一出于義乎

右第十八章

以上皆言君道此二章乃言臣道也

子曰言有物而行有格也是以生則不可奪志死則不可奪名故君子多聞質而守之多志質而親之精知略而行之君陳曰出入自爾師虞庶言同詩云淑人君子其儀一

也詩也作兮○物猶實也格猶式也質正也謂擇其正者方謂取正于人亦通志記也親之無厭倦也略約也君子平日言必有實行必有法出以事君終身必行我求之志而不肯貶道以事君即死亦不變生平所守之正而貽不令之名也記者中之言所以然者固有道焉平日多聞多志學已博矣又擇正者而守之親之則知益精知既精矣又求約者而行之則行益慎此所以有物有格而終不可奪也師衆虞慮也以衆慮之言無不合有物可知身

之威儀始終如一有格可知如此則必不可奪矣

右第十九章

申上章之意陳本合為一章

子曰惟君子能好其正小人毒其正故君子之朋友有鄉其惡有方是故邇者不惑而遠者不疑也詩云君子好仇正鄭讀作匹呂如字仇詩作逌○毒害也邪之與正不容並立夫子泛言君子小人之性情不同而記者述之則因其類之異而見君子所友之必正也鄉方皆類也好者正之類則惡者必不正之類遠近之人正與不正皆以君子之好惡定之無所復疑也詩周南關雎篇好善仇匹也言君子惟與善人為匹也

右第二十章

此下三章皆以朋友言之

子曰輕絕貧賤而重絕富貴則好賢不堅而惡惡不著也

人雖曰不利吾不信也詩云朋友攸攝攝以威儀賢所當好而以其貧賤而輕絕之惡所當惡而以其富貴而不故違絕是志在利而不顧道義矣詩大雅既醉篇言所賴乎朋友貴相檢束以威儀耳豈以富貴貧賤異哉友以雖仁而但言威儀檢乎外即所以養其中也

右第二十一章

子曰私惠不歸德君子不自陷焉詩云人之好我示我周行歸或作懷。雷者戀而不絕去之意人以私惠加我而不合于道義則君子必不戀戀于此詩小雅鹿鳴篇言人之好我在示我以大道耳豈在區區小惠哉其不陷之宜矣

右第二十二章陳註曰好惡皆當循公道故君子于私惠弗留也

子曰苟有車必見其載苟有衣必見其敝人苟或言之必

聞其聲苟或行之必見其成葛覃曰服之無射射詩作駁車之軌在車中衣之敝非一日而人皆見之以興言雖隱而必聞行雖久而必成也葛覃周南篇名証衣之必要于敝而言行之必積于誠可知已

右第二十三章

以下結一篇之意而此一節言慎也

子曰言從而行之則言不可飾也行從而言之則行不可飾也故君子寡言而行以成其信則民不得大其美而小其惡詩云白圭之玷尚可磨也斯言之玷不可爲也小雅曰允也君子展也大成君奭曰在昔上帝周田觀文王之德其集大命于厥躬寡鄭義所允也詩作允矣周田漢博士讀厥亂鄭讀割申觀鄭讀勸文王

梅作寧王今並不從。言飾而夸則行之必難行飾而偽則言之亦慙故言行必相顧也。記者言君子寧寡于言而務于行則言行皆無所飾而民化之亦不得大其美而飾言以夸張小其惡而飾行以掩覆矣。詩大雅抑之篇言之玷不可為言必寡矣。小雅車攻篇君子之行為大成信已成矣。君視周書篇名周田謂民也。文王之德化及于民故上帝于周田親文王之德而遂集大命于其身。是此時之民不得大其美而小其惡也。按孔疏稱此為伏生所傳舊文改者妄也。

右第二十四章

言誠也

子曰南人有言曰人而無恒不可以為卜筮。古之遺言與龜筮猶不能知也。而况于人乎。詩云我龜既厭不我告猶。兌命曰爵無及惡德民立而正事純而祭祀是為不敬事。

煩則亂事神則難易曰不恆其德或承之羞恆其德貞
人吉夫子凶梅書說命惡德下有惟其賢云云無民立而
欽事作禮易值作貞。論語本言無恆之人雖股役不可
為記者則謂無恆之人不可求占于卜筮也無恆之人忽
作忽輟雖先知如著龜尚不能決其成敗況于人乎詩小
旻之篇猶謀也無恆而屢上則鬼神亦厭之而不告矣又
引兌命言人而無恆是謂惡德爵之不及乃理所宜故民
惟立而正事則爵將自至不然正事之不及而惟求之祭
祀雖極其豐亦為不敬蓋事不正是煩而亂也其事神也
豈不難乎又引易恆卦爻詞言德不恆不惟所求不獲且
有水之以羞者是無恆斷不可也然恆又有二道婦人之
恆以順為正夫子之恆制義為正婦人之吉夫子之凶是
無恆因不可而恆又貴于
立正詒積非所宜為也

右第二十五章

言恆也。君子之學慎以始之恆以終之而敬則貫乎始終者也自治治

民要不外此故篇
末以此三者結之

禮記卷十之三 終

孫男 慶同校字

禮記卷十之四

任啓運章句

哀公問

孔本第二十七篇本第三十四今定為第三十八○大戴禮為問禮大昏二篇家語亦二

篇小戴以俱哀公所問故合為

一今仍小戴之目而別為二章

哀公問於孔子曰大禮何如君子之言禮何其尊也孔子

曰正也小人不足以知禮君曰否吾子言之也孔子曰正

聞之民之所由生禮為大非禮無以節事天地之神也非

禮無以辨君臣上下長幼之位也非禮無以別兒女父子

兄弟之親昏姻疏數之交也君子以此之為尊敬然

大戴

有明字○民所由生氣以成形理以成性人知無養則無

以生而不知無禮且有生不如死者故曰民所由生禮為

大也。自郊社以及日月風雷岳瀆事之有禮記實柴燔燎血祭之等。故曰節位有尊卑。故曰號親有殺交有時。故曰別治已治人。皆待夫禮。然後以其所能教百姓。不廢其會。君子以爲尊不亦宜哉。然後以其所能教百姓。不廢其會。節有成事。然後治其雕鏤文章。黼黻以嗣其順之。然後言其喪。算備其鼎俎。設其豕腊。修其宗廟。歲時以敬祭祀。以序宗族。卽安其居節。句。醜其衣服卑其宮室。車不雕幾器不刻鏤。食不貳味。以與民同利。昔之君子之行禮者如此。以嗣家語作以別尊卑上下之等。居節大戴作居處。○王肅曰。會謂理之所聚而不可遺處。節謂分之所限而不可遺處。陳澧曰。嗣傳續不絕之義。君子知人所由生。莫大于禮。則以禮自治必矣。然禮者天理之自然。人心所同。其因百姓所能也。君子卽以百姓所能者教之。其間有理之所同。自天子至庶人不能違者。其會也。有分之所限。自天子

至庶人不能越者其節也君子皆因之而不愆于是稱情
立文制爲品節使無太過亦無不及而禮之事成矣然品
節雖成而文物未具則猶不能繼續之以至于久遠故又
制爲雕鏤之器文章黼黻之服以繼續之乃可以徧天下
及後世而用于無窮也夫君子以自有之會節教百姓故
人順之而又謀其所以嗣喪算則有三年期功緦麻之數
祭祀則有鼎俎豕腊之陳宗廟則有七廟至一廟之等宗
族則有一年四會食兩年一會食之差而後其節事辨位
別親交者無不繼續于無窮矣然文物之盛原以明理而
達情苟因雕鏤文章黼黻之華而遂欲窮工極巧則反縱
欲而失其所以爲禮故千已之起居服食器用無不從公
節儉以肅不盡之利于民所以或豐或儉各適其宜也公
曰今之君子胡莫之行也孔子曰今之君子好貨無厭淫
德不倦荒怠敖慢固民是盡午其衆以伐有道求得當欲
不以其所昔之用民者由前今之用民者由後今之君子

莫為禮也

實貨財也。淫德放蕩之行。固者意之堅。求盡民

之意。取民必盡。則與民同利者異矣。違逆眾心而害有道。則與以所能。致而民順之異矣。務逞其私而不問理之所任。則與盡禮之節文而儉于自奉又異矣。用民如此。又何能行禮哉。黃叔暘曰。哀公用田賦。是好實無厭。固民自盡也。多嬖寵。是淫德不修。荒怠放慢也。伐齊伐邾。是午其眾以伐人也。止求自逞。不以其道。宜鼠食郊牛角。桓信兩廟災而莫能為禮矣。

右第一章

言禮之切于人而行之亦在乎其人也。○家語又多異。今姑依此釋之。

孔子侍坐于哀公。哀公曰。敢問人道誰為大。孔子愀然作色而對曰。君之及此言也。百姓之德也。固臣敢無辭而對。

人道政為大。

愀。斂肅貌。作猶變也。德猶福也。固。鄙也。敢。無辭言。豈敢無辭。

公曰。敢問何

謂為政孔子對曰政者正也君為正則百姓從政矣君之

所為百姓之所從也君所不為百姓何從家語無君之四句○君為正君

之所為皆出於正也公曰敢問為正如之何孔子對曰夫婦別父子

親君臣嚴三者正則庶物從之矣為正一作為政非○物

從公曰寡人雖無似也願聞所以行三言之道可得聞乎

無似猶孔子對曰古之為政愛人為大所以治愛人禮為

大所以治禮敬為大敬之至矣大昏為大大昏至矣大昏

既至冕而親迎親之也親之也者親之也是故君子與敬

為親舍敬是遺親也弗愛不親弗敬不正愛與敬其政之

本與天生民而立之君使司牧之故政以愛人爲大然愛
主故敬爲大父子君臣莫不當敬然有夫婦然後有父子
有父子然後有君臣三綱爲萬事根本而夫婦又三綱之
本故尤以大昏爲大也夫夫婦之合其情易親而大昏之
禮必冕而親迎若是其敬者豈興起其敬正所以爲親也
不然始于褻者必終于疎雖欲相愛不可得矣夫弗愛則
無以爲親不敢則無以爲正二者皆失然弗愛必由弗敬
始此君子所以必興敬爲親也○湯三才曰哀公十一年
孔子自衛反魯公年十四大昏未成其後立公子荆之母
爲夫人而以荆爲太子國人孔子遂言曰內以治宗廟之
惡之故孔子惓惓爲此言

禮足以配天地之神明出以治直言之禮足以立上下之
敬物恥足以振之國恥足以興之爲政先禮禮其政之本

與此節舊在昔三代上朱子謂當在此直言朱子讀如字
陳讀朝廷○朱子曰治宗廟謂祭祀也配天地之神明

君在昨夫人在房與天地之大明生于東月生于西義相
合也直言謂出政教記曰天子臨外治所聽內職是也皆
中上政之本之意葉氏曰夫婦正則名正名正則言順亦
通此乃由夫婦而及父子君臣宗廟父子相繼直言君臣
同體而治之皆繫于夫婦物事也物恥綱紀之廢弛國恥
體統之卑辱應鑑曰是時魯政衰弱哀公欲振興之而不
知禮之為急故以此告之上公曰寡人願有言然冕而親
節中敬為太此節申禮為大

迎不已重乎孔子愀然作色而對曰合二姓之好以繼先
聖之後以為天地宗廟社稷之主君何謂已重乎

然猶焉也親迎

之禮大夫于女之家諸侯使卿迎于其國其至或迎于竟
于郊于館量地之遠近爵之崇卑以為節天子則使卿往
公臨之然亦當親迎之于館或門外也哀公不行昏禮娶
御私人故疑冕而親迎為太重孔子直舉繼先承祭之重
以明之言天地者朱子謂通天子言之王肅謂公曰寡人
魯孟春得郊祀故也主謂適長子孫世主祭祀

禮記哀公問第十之四

固不固焉得聞此言也寡人欲問不得其辭請少進必重

之問爲失言故言惟鄙固故有此問然非有此鄙固之問則亦不得聞此言若以得聞爲幸者請少進望于所不問

者亦詳孔子曰天地不合萬物不生大昏萬世之嗣也君告之也

何謂已重焉天地絪縕萬物化醇男女媾精萬物化生其理一也孔子遂言曰昔三

代明王之政必敬其妻子也有道妻也者親之主也敢不

敬與子也者親之後也敢不敬與君子無不敬也敬身爲

大身也者親之枝也敢不敬與不能敬其身是傷其親傷

其親是傷其本傷其本枝從而亡三者百姓之象也身以

及身于以及子妃以及妃君行此三者則恤乎天下矣太

王之道也。如此則國家順矣。

孔氏曰：妻供粢盛奉祭祀，故以爲親之主。方慤曰：冕而親

迎，所以敬其妻。冠于阼，所以敬其子。內有主，則外足以治國家。下有後，則上足以承祖考。至子之于親，尤爲一體。

譬之于木，親爲本而子爲枝也。身之不散，卽辱其身而傷親矣。本傷而枝有不亡者，平夫天下雖大，而人之有身有

妻，有子一也。我敬其身，使人各敬其身。我敬其妻子，使人各敬其妻子。則我志氣之所至，直充滿于宇宙之間，而民

皆則而象之。古三代明王之政，不越是矣。獨舉太王者，鄭謂太王不以土地害人是視民之身猶己之身，民之妻子

猶己之妻子也。王謂太王愛姜女，國無鰥民是愛己之身及己之妻子。推而愛民之身及民之妻子也。姚舜牧曰：太

王之道，豈有他哉？亦敬而已矣。詩曰：帝遷明德，天生厥配，作邦作對。奄有四方，則亦敬身敬妻子以懷乎天下可知。

已。公曰：敢問何謂敬身？孔子對曰：君子過言則民作辭，過

動則民作則。君子言不過辭，動不過則，百姓不命而敬恭

如是則能敬其身能敬其身則能成其親矣。朱子曰則法也民者化君

者也君之言雖過民猶稱其辭君之行雖過民猶以爲法

故不可不謹也愚謂言不遜辭動不過則者敬身之宜不

命而敬恭則公曰敢問何謂成親孔子對曰君子也者人

之成名也百姓歸之名謂之君子之子是使其親爲君子

也是謂成其親之名也已。孝莫大于尊親敬身而使親有君子之名可謂能尊矣○孟子

論齊曰爲天子父尊之至也是非人所能爲也孔子告哀

公曰謂之君子之子爲君子父亦尊親也是人所共勉也孔子遂言曰古之爲政愛人爲大不能愛人不能有其

身不能有其身不能安土不能安土不能樂天不能樂天

不能成其身。朱子曰不能有其身謂不能持守其身而陷

于非僻安土謂安其所處之位樂天謂樂循

夫理惡謂不能愛人則不知爲君之難而與樂息憊不自
適持是不有其身也不有其身則必放逸于分位之外而
不能安土矣不能安土則欲日肆理日亡視一切禮法如
罔聞而又安能樂循天理哉此身之所以必不成也方謂
不能愛人則傷之者至矣故不能有其身公曰敢問何謂
一身且無相容故不能安土與下語不貫

成身孔子對曰夫其行已不過乎物謂之成身不過乎物

合天道也

朱子曰戴記止不過乎物四字今以下文推之
斷從家語○物者固有當然之則大而君臣父

子小而言動食息其當然之理無一不具于性分
之內君子循之而不敢稍失是乃所以合天道也公曰敢

問君子何貴乎天道也孔子對曰貴其不已如日月東西

相從而不已也是天道也不閉而能久是天道也無爲而

物成是天道也已成而明是天道也

朱子曰戴記作不閉
其久非是今斷從家

語。○不已至誠無息也。天道不息。君子純于天道亦不息。如日月相從不已。指其易見者言之。王肅曰。不閉言能通能久。言無極。愚謂不閉者。誠于中必形于外。所謂微也能久者。不息則久。故微于外者。亦悠久也。無爲而物成者。悠久之功。漸摩浸漬。有不見有所作爲。所謂久道化成也。已成而明者。成物之功。光被四表格于上下。所謂高明也。公曰。寡人慙愚冥頑。子志之心也。孔子蹴然辟席而對曰。仁人不過乎物。孝子不過乎物。是故仁人之事親也如事天。事天如事親。是故孝子成身。公曰。寡人既聞此言也。無如後罪何。孔子對曰。君之及此言也。是臣之福也。恭頌于氣其暗于理。則累于事。言以氣質之蔽。故于事理多不通曉也。子志之心。猶言啓乃心。沃朕心。蹴然變容起敬之貌。又撮大旨申告之。仁人之所以爲仁。孝子之所以爲孝。不違事親。循乎天理而已。事親如事天。敬之至。事天如事親。順

之至張子云存心養性爲所擬不愧
居淵爲無忝事天事親井有二道也
右第二章其至卽所以事天也

禮記卷十之四終

禮記卷十之五

任啓運章句

仲尼燕居

孔本第二十八節本第三十五今定為三十九○石梁王氏曰文雖具首尾然辭旨

散漫未必孔子之言愚謂以仁言禮其旨甚精王氏以為散漫亦習其詞不察其旨也

仲尼燕居子張子貢言游侍縱言至于禮子曰居女三人

者吾語女禮使女以禮周流無不徧也子貢越席而對曰

敢問何如子曰敬而不中禮謂之野恭而不中禮謂之給

勇而不中禮謂之逆子曰給奪慈仁縱言泛論諸事也周

流無不徧即下仁鬼神昭穆諸事也學莫切于求仁而非

禮則亦無以得仁故欲仁之周流無不徧必以禮也給辦

也恭遜之容但取辦于外而無情實也有敬之心而無禮

之文則失之野有恭之貌而無禮之實則失之給

仲尼燕居

十一

爲而無禮之節文則失之逆三者皆過然野與逆但失之
直情徑行而其本未亡准給則失于外者大類于慈仁而
實則本心已亡乃奪慈仁之甚者也故又特舉以爲戒凡
再言子曰者皆語已畢而復起若更端也○按子告顏子
曰克己復禮爲仁而非禮勿視勿聽勿言勿動此仁之所
以周流于身而無不徧也夫德也此篇言禮所以仁鬼神
仁昭穆仁死喪仁鄉黨仁賓客此仁之所以周流子曰師
子天下而無不徧也王道也有天德然後有王道子曰師
爾過而商也不及子產猶衆人之母也能食之不能教也
子貢越席而對曰敢問將何以爲此中者也子曰禮乎禮
夫禮所以制中也衆人之母固誠慈仁然能食不能教亦
論篇而彼文特詳疑脫簡在此子貢因子論師商有過不
及故求所以能得中者子言其必以禮乎其必以禮也蓋
中者人所受于天之正理而過不及皆出于氣稟之偏惟
禮爲天理之節文無有大過亦無有不及則亦惟以禮制

之而過者謂而就不及者仰而企乃皆可以至于中也 子貢退子游進曰敢問禮也

者領惡而全好者與子曰然然則何如子曰郊社之義所以仁鬼神也嘗禘之禮所以仁昭穆也饋奠之禮所以仁

死喪也射鄉之禮所以仁鄉黨也食饗之禮所以仁賓客

也 領謂統之而扼其要子游因制中之言因思有過有不

之惡于足乎生必禮以制中乃有以扼其惡使不生而全

其美也夫子然之而子游又請其領全之實夫子言無往

非禮即無往非仁舉部社而外祀皆可知舉嘗禘而內祀

皆可知饋奠喪奠也射鄉鄉射及鄉飲酒也食饗詳前世

子記禮必有義郊社言義餘言禮五文也鬼神之誠昭穆

之孝饋奠之象射鄉之和賓客之敬皆動于吾心之自然

而禮以將之舉無有過不及則惡領而好全周流普徧無

所往而非仁矣張子曰仁體事而無不在禮儀三百威儀

三百

三千無一事之非仁也

子曰明乎郊社之義嘗禘之禮治國其如指

諸掌而已乎

郊社嘗禘視射鄉食饗尤重故特舉之見其禮至太其義至深于此明之則于理無不明

也是故以之居處有禮故長幼辨也以之閨門之內有禮

故三族和也以之朝廷有禮故官爵序也以之田獵有禮

故戎事閑也以之軍旅有禮故武功成也是故宮室得其

度量鼎得其象味得其時樂得其節車得其式鬼神得其

養喪紀得其哀辨說得其黨官得其體政事得其施加於

身而錯於前凡衆之動得其宜

又推廣之見無往非禮所謂周流無不徧也居處有

禮如在與在阼之類閨門有禮如溫清定省之類三族謂父子孫朝廷有禮如章服位次之類田獵有禮如昭文章

明貴賤之類。軍族有禮如進退有度。左右有局之類。官宗
若旅。樹臺門四注三注。各有其度量。取諸黃鍾之實。鼎
而耳目聰明。各有其象。味之時若春酸夏苦秋辛冬鹹。樂
之節若升歌下管。合樂間歌。車之式若圖蓋。象天方軫。象
地鬼神之象。若燹燎。實柴。朝踐饋食。衣紀之哀。若襲。欽棺
葬。辨說之官。若在廟言。廟在朝言。朝官之禮。若三公論道
六卿分職。政事之施。若施典邦國。施則都鄙加于身。如視
聽言動。錯于前。凡所按之人所行之事。皆是也。理無不明
故用無不當。而衆之動于我者。無不
得其宜也。豈不皆大下而仁之哉。子曰。禮者何也。卽事
之始也。君子有其事。必有其治。治國而無禮。譬猶瞽之無
相與佞俛乎。其何之。譬如終夜有求於幽室之中。非燭何
見。若無禮則手足無所錯。耳目無所加。進退揖讓無所制
是故以之居處長幼失其別。閭閻三族失其和。朝廷官爵

失其序田獵戎事失其策軍旅武功失其制宮室失其度
量鼎失其象味失其時樂失其節車失其式鬼神失其禮
喪紀失其哀辨說失其黨官失其體政事失其施加於身
而錯於前凡衆之動失其宜如此則無以祖洽於衆也家語
上有言游退子張進曰敢問禮何謂也十三字○佞佞無
所向往貌王肅曰祖始洽合也無以率先天下而使之洽
在是乃所
謂不仁也子曰慎聽之女三人者吾語汝禮猶有九焉大

獮有四焉苟知此矣雖在畎畝之中事之聖人已兩君相
見揖讓而入門入門而縣興揖讓而升堂升堂而樂闕下
管象武夏簫序興陳其薦俎序其禮樂備其百官如此而

后君子知仁焉行中規還中矩和鸞中采齊客出以雍撤以振羽是故君子無物而不在禮矣入門而金作未情也升歌清廟示德也下而管象示事也是故古之君子不必

親相與言也以禮樂相示而已禮之大體要歸一仁而詳言之則其目有九見禮之

無所不該禮有九而大體有其四見大饗之義廣也四之目在下仁與情德事其五子未言不敢臆說知明其義事習其儀事之聖人言由此學之亦可入于聖也兩君相見諸侯相朝也聘樂興作也國語文王六明縣兩君相見之樂夏禹樂以箏吹之諸侯相饗禮亡鄭云既升堂主人獻賓賓卒爵樂止為第一節賓酢主君樂又作主卒爵樂止為第二節升歌清廟為第三節下管象武為第四節此四節饗禮所獨行中規五節還中矩六節迎賓時車上和鸞中采齊七節客出歌雍詩以送八節徹器歌振鷺詩九節此五節非饗禮所專故曰禮有九饗禮有四也王謂入門

縣與一節升堂樂闕二節下管象武夏箏序與三節陳薦
俎序禮樂備百官四節下五節與鄭同愚謂子言禮有九
大器有四不言大器有九節四節與他異也且升歌下管
凡用樂皆然不止大器中規中矩凡行之容皆然尤不可
別為器禮之一節恐鄭王皆非也言行此器禮之時拆讓
以致敬管箏以導和而後將之以薦俎其和敬之意周流
動盪于禮樂之中至于執事之百官亦莫不默喻和敬之
妙此正食饗之禮之所以仁賓客者君子觀之而知其仁
也而不僅仁也自一身之周折以及始而迎賓終而送客
徹俎無一物而不在于禮則禮之所該者甚多即如入門
而金作以奏肆夏可以見人情之和升歌清廟使人如見
文王可以興于德下而管象見周公之勤可以奮于事禮
樂感人之妙如此故君子不必親相與言但以禮樂相示
而已然則人習之而知其意者詎不可入于聖人之域哉
分言之曰情曰德曰事合言之則其周流
動盪皆仁也夫聖人亦仁之至而已矣
子曰禮也者理
也樂也者節也君子無理不動無節不作不能詩於禮樂

不能樂於禮素薄於德於禮虛禮虛自其之理而金作升歌下
管雍徹之樂行焉是樂亦即理之節而非有二也故君子
之于禮必以其心自具之理為之本無理不動也亦必有
詩樂以和其節而作焉無節不作也不然不能詩則少溫
采敦厚之風而其于禮亦拘固而成繆不能樂則少和順
從容之意而其于禮亦朴而不文皆無節者也若夫薄于
于德則是自絕其仁而木心之理亡矣又何以為禮哉子
曰制度在禮文為在禮行之其任人乎此承上薄于德于
也制度禮之體文為禮之用制度固乎古文為出子貢越
于今而行之必在有德之人所謂道不虛行者也子貢越
席而對曰敢問夔其窮與子曰古之人與古之人也達於
禮而不達於樂謂之素達於樂而不達於禮謂之偏夫夔
達於樂而不達於禮是以傳於此名也古之人也子貢見
子貢不

能樂于禮素因思不能聽則于樂亦偏故以夔爲問而夫子再言古之人見不可輕議也達精通之意夔以典樂聞而不聞傳其知禮則或不達于禮亦未可知然古之人全德者多我不見古人未可輕議也○金履祥曰禮樂同體異川伯夷讓于夔能子張問政子曰師乎前吾語女乎君是夔固可掌禮矣

子明于禮樂舉而錯之而已

前吾語女謂前已告女若所云治國如指掌凡衆之動得

其宜也子張復問子曰師爾以爲必鋪几筵升降酌獻酬酢

然後謂之禮乎爾以爲必行綴兆興羽籥作鐘鼓然後謂

之樂乎言而履之禮也行而樂之樂也君子力此二者以

南面而立夫是以天下太平也諸侯朝萬物服體而百官

莫敢不承事矣

言而履之非空言也行而樂之非勉強也子張少誠或言而不行或行而不久故以

此告之力知之精字之固也萬物服禮禮之所與衆之所

治也禮之所廢衆之所亂也目巧之室則有與阼席則有

上下車則有左右行則有隨立則有序古之義也

規矩繩墨但據目之巧爲之室之室而無與阼則亂於堂

室也席而無上下則亂於席上也東而無左右則亂於車

也行而無隨則亂於塗也立而無序則亂於位也昔聖帝

明王諸侯辨貴賤長幼遠近男女外內莫敢相踰越皆由

此塗出也

遠近猶言疏戚男女以人言外內以地言失禮則最近者亦莫不亂得禮則盡人類莫敢相踰

越見禮三子者既得聞此言也於夫子昭然若發矇矣

子而無見曰矇發矇去其翳而使能
視去心之蔽而使開明亦猶是也

右第一章

按論語之文多簡而約蓋撮其大旨惟此
卽以申前者并其餘詞復語而記之諸子苦學聖
人善誨一堂之上如見其形讀者不可不味也家
語名論禮篇而文多脫簡不及此篇之完善

禮記卷十之五

終

禮記卷十之六

任啓運章句

孔子閒居

孔本第二十九篇本第三十六今定爲第四十○程子曰三無五起之說文字可疑

愚謂論語亦有五美四惡六言六蔽文法蓋先引其端使學者精心以聽也

孔子閒居子夏侍子夏曰敢問詩云凱弟君子民之父母何如斯可謂民之父母矣孔子曰夫民之父母乎必達於禮樂之原以致五至而行三無以橫于天下四方有敗必先知之此之謂民之父母矣詩大雅洞酌篇橫廣被之意爲民父母行政必以禮樂爲務然和序者禮樂之原不達其原而言禮樂亦末也五至于肅謂五者相因自然而至陳謂至極而無以加亦通無序不和皆足以致亂先知之而早杜其機則四海享和平之福矣故可謂之民之父母也○姚舜牧曰先知其敗而

早爲之所此憂子夏曰民之父母既得而聞之矣敢問何民之憂最切處

謂五至孔子曰志之所至詩亦至焉詩之所至禮亦至焉

禮之所至樂亦至焉樂之所至哀亦至焉哀樂相生是故

正明目而視之不可得而見也傾耳而聽之不可得而聞

也志氣塞乎天地此之謂五至

達禮樂之原則心得其序而和矣由是以其愛民之

志發爲咨嗟嘆之言而詩至形爲斟酌損益之政而禮至其布之也從容不迫其被之也鼓舞不倦而樂亦至矣至于樂至則樂人之立者必憂其不能立樂人之達者必憂其不能達方幸其生聚而欣然又憂其未必徧未能保而戚然哀樂相生周流不息此其志氣之所充塞直與天地爲量也哀即喪也不見不聞即無體無聲無服也言五至而三無已在其中矣

子夏曰五至既得而聞之矣敢問

下因再問乃復詳申之

何謂三無孔子曰無聲之樂無體之禮無服之喪此之謂
三無子夏曰三無既得略而聞之矣敢問何詩近之孔子
曰夙夜其命宥密無聲之樂也威儀逮逮不可選也無體
之禮也凡民有喪匍匐救之無服之喪也詩其作基逮作
康○無聲之樂
順于物理協於人情至和洋溢有樂之實無樂之音也無
體之禮節民之性防民之淫萬物秩然有禮之實無禮之
形也無服之喪哀矜之心惻怛之意疾病相關有喪之戚
無喪之制也三者仁之至極民受其賜而不知故曰三無
基積于下以承乎上宥深密靜也逮逮富而閑習之貌匍
匐手足並行急遽之狀也周頌昊天篇言文武之受天命
者自下達天和氣充塞而宏深靜謐是樂在無聲之中邠
風柏舟篇言不當行禮之時而威儀之美至無可選擇是
無體而皆禮也谷風篇言凡民至疏遠而一有死亡我即
周詢而往救是無服而皆喪也子夏長於詩故以詩為問

抑亦欲咏嘆淫佚
熟復其旨之意與

子夏曰言則大矣美矣盛矣言盡於此

而已乎孔子曰何爲其然也君子之服之也猶有五起焉

子夏曰何如孔子曰無聲之樂氣志不違無體之禮威儀

遲遲無服之喪內恕孔悲無聲之樂氣志旣得無體之禮

威儀翼翼無服之喪施及四國無聲之樂氣志旣從無體

之禮上下和同無服之喪以畜萬邦無聲之樂日聞四方

無體之禮日就月將無服之喪純德孔明無聲之樂氣志

旣起無體之禮施及四海無服之喪施于孫子

邦叶崩明
叶芒海叶

喜聞去聲施于之施音異○無所不包曰大純粹以精曰
美無可復加曰盛蓋嘆美之至也服習也起發也越發其

意使鼓舞于不倦也。氣志不違十五句皆詩詞今逸者遺
半不可復考矣。君子服此無聲之樂始而平己之私釋已
之躁氣志之間無有乖戾是不違也。由是應事接物各當
其理是既得也。由是我之所順物亦順之是既從也。君子
服此無體之禮先之以慎於進退行之以敬故翼翼施之
上下各得分願故和同。君子服此無服之喪始於一心之
不忍而推以及人故內恕孔悲由是推之而及於四國又
推之而及於萬邦。此皆下學之功行之而造其極也。日聞
四方和氣洋溢萬物得所也。日就月將蠲黜之功有進無
已也。純德孔明萬物一體無有私蔽也。如此則德愈感
氣志既起心和氣和天地萬物感而太和也。施及四海言
法行則莫不尊親也。施于孫子親賢樂利久而不忘也。至
是則德愈盛效愈遠矣。陸隴其曰五起自內及外自近
及遠始起于心乃行于身漸微于人臻于天又終而至干
悠久思按因上引詩而
來反覆細繹意味深長

右第一章

子夏曰三王之德參於天地敢問何如斯可謂參天地矣

孔子曰奉三無私以勞天下子夏曰敢問何謂三無私孔

子曰天無私覆地無私載日月無私照奉斯三者以勞天

下此之謂三無私其在詩曰帝命不違至于湯齊湯降不

遲聖敬日齊昭假遲遲上帝是祗帝命式于九圍是湯之

德也日齊詩作日躋○三王之德參天地蓋古語子夏引

之而問其能參之實也奉敬而承之也勞身勤之也

在地之上天悉覆之在天之下地悉載之容光之隙日月

之明無不照之是無私也王者與天地合其德日月合其

明奉此以勤勞天下復何私哉詩商頌長發篇遲遲久也

詩言人有私則有違而天無私故其命于物者皆不違所

謂物與无妄也但天無私而人氣質之偏物欲之蔽皆不

能無私故與天不相似惟湯之無私乃與天齊也而其所以

以齊者則不外一敬焉蓋理之與私互為升降私日升則德日降矣湯惟自降其私力行不息故其為聖之德以散而日几以至昭格于天久而不息是惟湯能奉天之無私故人遂命之以為法於九州而勞天下也不遲者克己之勇所以致其決進遲者達天之養所以俟其化徐

師會曰遲遲謂泥而又遲初無心于得天亦通

天有四

時春秋冬夏風雨霜露無非教也地載神氣神氣風霆風

霆流形庶物露生無非教也清明在躬志氣如神耆欲將

至有開必先天降時雨山川出雲其在詩曰嵩高維嶽峻

極于天維嶽降神生甫及申維申及甫為周之翰四國于

春四方于宜此文武之德也耆欲二句家語作有物將至其兆必先為周詩作維周。

春生秋斂冬藏夏長風之散雨之潤霜之肅露之和其氣行于天之下莫非天理自然之於此天之無私乃天之教

也神氣即能生長飲藏者地皆載之而于其間風之功實
之鼓尤為神速庶物因之而露其生其形之行于地土
莫非天理自然之妙此地之來而無私即地之教也而
日月之奉天地而無私者更可知矣天地無私故清明在
天地聖人奉天地之無私故清明在聖人其氣志之明
亦如風雨霜露雷霆之興氣者然其欲之將至聖方開
之民已應之吉斯立道斯行綏斯來動斯和若天欲降
雨而地之山川生動而為之出雲者然此聖人奉天地之
無私而人自化之者也詩大雅嵩高篇嵩高天之貌嶽四
嶽也甫侯中中伯皆太嶽之後姜姓之國蓋因太姜而
封也倫築牆板蕢打其害宣布其德文武有安天下之志
故天即為降生賢佐以為四國之蕃四方之宜此文武之
德無私而參天地者也詩宣王時作而以為文武者甫因
周初所建國而中亦甫之別也○顧炎武曰風有自天者
有自地者天雨遠雷雨近常有平野雷雨大作而高山
皎自如故既以風雷屬天又以風霆屬地愚按雷有自地
發者易所謂雷出地奮豫有自三代之王也必先其命
天下者易所謂天下雷行是也

詩云明明天子令聞不已三代之德也弛其文德協此四

國大王之德也

今聞並去聲弛皇本作施詩外傳並作文王此疑誤

○三代之王皆天命也其先必有此無私之德積久而聲聞于天然後天命歸之詩大雅江漢篇言其德之明明不已故其令聞亦不已此三代之所同也下又獨言文王者湯武之王有武功焉故特舉以見例明三代之王皆以文德不以武功也不言夏商周以子夏蹶然而起負薪而立揖遜有天下其無私尤易明也

曰弟子敢不承乎

蹶然蹶蹶之貌負薪而立所謂問終則負薪也

右第二章

天有四時二節家語在經解深於春秋也

之故異也今去聖愈遠古書日亡無從是正各就本文為訓詁耳

禮記卷十之六

終

禮記卷十七

任啓運章句

經解

孔本第二十六齒本第三十七今定為四十一
○經常也萬世不易之常道也古未有六經之

名春秋未經筆削止得謂之魯史不得謂之經韓
宣子聘魯見易象春秋曰周禮盡在魯矣是易象
春秋亦可統名禮也後世六經之名乃漢儒因孔
子所言言及孔子所贊修刪定者名之耳陶潛羣
輔錄自子思子張外言顏氏傳詩為諷諫之儒孟
氏傳書為疏通知遠之儒漆雕氏傳禮為恭儉莊
敬之儒仲梁氏傳樂為移風易俗之儒樂正氏傳
春秋為屬辭比事之儒公孫氏傳易為潔淨精微
之儀豈諸子能各行其教於人國耶何行事不概
見耶本篇明人君修己治人大法而謂之經解
者據篇首所述
孔子言名之

孔子曰入其國其教可知也其為人也溫柔敦厚詩教也

疏通知遠書教也廣博易良樂教也潔靜精微易教也恭

儉莊敬禮教也屬辭比事春秋教也故詩之失愚書之失

誣樂之失奢易之失賊禮之失煩春秋之失亂其爲人也

溫柔敦厚而不愚則深於詩者也疏通知遠而不誣則深

於書者也廣博易良而不奢則深於樂者也潔靜精微而

不賊則深於易者也恭儉莊敬而不煩則深於禮者也屬

辭比事而不亂則深於春秋者也

靜或作淨○溫和煦柔
其順敦篤實厚淳固疏

通不滯于一知遠不蔽於近廣博其量宏易良其情平潔
靜行之美精微議之通恭主容儉主事莊見乎外敬主乎
中屬辭比事聯屬其辭使其事之美惡相比而見也春秋
傳史名國故與邦交繫焉詩以理性情書以道政事樂以

養德性易以窮陰陽禮以檢身心春秋以辨時政之得失
上以是教下以是學故其人莫不化之然相沿爲俗則亦
有弊習於淳厚者未必能察情僞則失之愚知古今之事
而不能知人論世則失之誣好樂而雜以鄭衛則蕩心佚
志生而奢矣窮幽極眇而惑於術數則賊迂拘曲謹而不
知和之爲貴則煩傳聞失實而是非頗謬于聖人則亂此
又弊之所必然而不可不慮故惟有其得而無其失上之
人乃爲善教而下之人乃爲善學也記者引夫子言見教
之不可不慎以起下文之意○後世經學如書傳謂文王
常稱王九年周公殺管叔及居天子位七年皆是誣李壽
京房之說易劉歆之傳洪範五行穿鑿破碎不免賊說天
春秋者謂孔子許祭仲之廢君大衛輶之拒父直是亂天
子者與天地參故德配天地兼利萬物與日月並明明照
四海而不遺微小其在朝廷則道仁聖禮義之序燕處則
聽雅頌之音行步則有環珮之聲升車則有鸞和之音居

處有禮進退有度百官得其宜萬事得其序詩云淑人君

子其儀不忒其儀不忒正是四國此之謂也以下記者之言

禮樂春秋皆聖人所以教而不能無弊者以言教不能以身教也故君子必先自治焉聖人之德與天地參其德之廣太固足以兼利萬物聖人之明與日月並其明之溥博又足以明照四海盛德大業至矣而猶不遺微小外而朝廷內而燕處即一行步一升車無不致其養焉必至居處皆有禮朝廷如是燕處亦如是進退皆有度行步如是升車亦如是然後以之治官則百官當其才以之治事則萬事循其理即以之教民亦必無六者之弊矣詩曹風鴈鳴篇言四國之所以正者惟在儀之不忒也豈有身不正而可言教者哉

右第一章

言教民以身若導民以身

發號出令而民說謂之和上下相親謂之仁民不求其所

欲而得之謂之信除去天地之害謂之義義與信和與仁

霸王之器也有治民之意而無其器則不成和無所乘仁無所隔信自

然之利義剛斷之方此一節亦古語記者述之以治民必有其器之意起下文禮之於正國也猶

衡之於輕重也繩墨之於曲直也規矩之於方圓也故衡

誠縣不可欺以輕重繩墨誠陳不可欺以曲直規矩誠設

不可欺以方圓君子審禮不可誣以姦詐國一作罔○和

之器而器之中尤有其要者則禮是也蓋凡器皆為一物

而衡與繩墨規矩則足以治物而與繩墨規矩設而輕重

曲直方圓無所迷禮之足以察姦詐亦猶是也姦以匿已

詐以欺人姦詐皆民之害有禮以察之而後義有所施害

去則利興而信亦有所用至于好惡皆當則民悅是故隆

而上下相親所謂和與仁者亦不外此而得之矣

禮由禮謂之有方之士不隆禮不由禮謂之無方之民敬讓之道也故以奉宗廟則敬以入朝廷則貴賤有位以處室家則父子親兄弟和以處鄉里則長幼有序孔子曰安上治民莫善於禮此之謂也降者尊而奉之由者踐而行之有方猶言在規矩準繩之內貴之故稱士無方則放濫而無所不為賤之故槩曰民也君子審禮故有方無方者力辨之所謂不可誣以姦詐也夫禮之實在敬與讓敬主于心讓徵于事能敬與讓則上自宗廟朝廷下至室家鄉里無不善者上之所以安下之所以治均不外此又引孔子言以結之苟治民而不以禮則無其器而治亦無以成矣

右第二章

言治民有器要莫切于禮

故朝覲之禮所以明君臣之義也聘問之禮所以使諸侯

相尊敬也。喪祭之禮，所以明臣子之恩也。鄉飲酒之禮，所以明長幼之序也。昏姻之禮，所以明男女之別也。夫禮禁亂之所由生，猶坊止水之所自來也。故以舊坊爲無所用而壞之者，必有水敗；以舊禮爲無所用而去之者，必有亂患。故昏姻之禮廢，則夫婦之道苦；而淫辟之罪多矣。鄉飲酒之禮廢，則長幼之序失；而爭鬪之獄繁矣。喪祭之禮廢，則臣子之恩薄；而倍死忘生者衆矣。聘覲之禮廢，則君臣之位失；諸侯之行惡，而倍畔侵陵之敗起矣。故禮之教化也，微其止邪也於未形，使人日徙善遠罪而不自知也。是

以先王隆之也。易曰：君子慎始，差若毫釐，繆以千里。此之謂也。君臣之亂始於無義，列侯之亂始於不敬，臣子之亂生於無恩，鄉里之亂生於無序，男女之亂生於無別，刑禁已然不若禮禁未然也。易辭孔謂見易繫辭傳黃庭堅謂見易大傳今易無之，是文逸也。程頤則謂韓書通卦驗之文引以証敘化之微意。

右第三章。承上二章見自治治人莫善于禮也。夫禮禁亂以下一百五字見大戴禮察篇與君子之道辟則坊與相屬。蓋記者各以已意聯綴也。

禮記卷十之七終

孫男 慶范校字

禮記卷十之八

任啓運章句

儒行

孔本第四十一 尚本第三十八 今定為第四十

作李觀謂此象士自夸之辭其條雖十有五而意旨多複其語雖依傍聖人而稱說多過或云哀公輕儒孔子有為之言夫聖人豈務夸大以要其君者哉愚按其辭矜肆與聖人溫良恭儉讓氣象全別而與田子方貧賤驕人語相似故疑戰國時游夏門人所為也

魯哀公問於孔子曰夫子之服其儒服與孔子對曰丘少

居魯衣逢掖之衣長居宋冠章甫之冠丘聞之也君子之

學也博其服也鄉丘不知儒服

設腋通○逢大也逢掖肘腋之間寬大也章甫殷冠

哀公但以本問幾於以儒為戲故子以不知哀公曰敢問

禮記儒行

卷十之八

十一

儒行孔子對曰遽數之不能終其物悉數之乃留更僕未

可終也哀公命席孔子侍物猶也曰儒有席上之珍以待聘

夙夜強學以待問懷忠信以待舉力行以待取其自立有

如此者珍已貴矣而置之席上則尤珍喻言德之可貴也鄭云珍善道堯舜之道呂云講學時從容於席上

並通聘以幣聘之問答訪及之舉加之位取分以職也德

可貴人自尊之學既博人自親之忠信可託人自任之力

能任事人自用之而儒者之心止知自盡無求于外也儒有衣冠中動作慎其大讓

如慢小讓如偽大則如威小則如愧其難進而易退也粥

粥若無能也其容貌有如此者中方讀去聲陳如字粥徐作粥。中猶正也方謂中

于禮亦通動見於身作為其事大讓謂委之而去故如慢

齊三軍故如成小謂容貌之退却身不勝衣言不出口故
如陳弼出無能說人之有才每喜於自見故難進易退若
無能也容者德之暢發者志
之符容貌如此心德可知已儒有居處齊難其坐起恭敬
言必先信行必中正道塗不爭險易之利冬夏不爭陰陽
之和受其死以有待也養其身以有爲也其備豫有如此
者先家語什誠○齊難齊莊可畏難也或曰難當作莊誠
信中正所以養其身與世不爭所以愛其死養之不豫
因不能育爲而不爲意外之備則亦不能留其身以有待
也備豫之固發儲之早○呂大臨曰上四句敬也次二句
德也惟敬與德則忿慾慾至德立道充可以當天下
之大變而不動任天下之重而不辭備豫之至也儒有
不寶金玉而忠信以爲寶不祈土地立義以爲土地不祈
多積多文以爲富難得而易祿也易祿而難畜也非時不

見不亦難得乎非義不合不亦難畜乎先勞而後祿不亦

易祿乎其近人有如此者

家語立作仁近人下有情字○多文博聞強識所謂學以聚之

也儒者內重外輕不貪富利低遠於人情然道有可備有行未嘗不出義苟可就未嘗不從則又見其近情也

委之以貨財淹之以好樂見利不盼其義劫之以眾沮之

以兵見死不更其守驚蟲攫搏不程勇者引重鼎不程其

力往者不悔來者不豫過言不再流言不極不斷其威不

習其謀其特立有如此者

家語勇若作其勇餘文亦大同小異好樂古本皆作樂好並去

聲○委之言其專淹之言其久切迫脅之強以所不為泐

恐怖之止其所必為利不能害不能屈如此雖猛獸之勇鼎鼎之力不足以程之也以守義為主故不以挫於前而或緩不以期于後而有疑以信道為主故人或責已直

受之而不爲報復人或謂已亦聽之而不究所從來如是則義立者自有可畏之威而非人所能挫信成者不煩容難之謀自無待於重習也○方慤曰動皆常理故未嘗悔機足應變故不必豫陳辭曰知過必改故不再理義不覺故不極極終也終爲所毀也姚舜牧曰威以時奮先主以斷則過備謀以時出先加以習則過深故皆所不爲也義皆可儒有可親而不可劫也可近而不可迫也可殺而不可

可辱也其居處不淫其飲食不滯其過失可微辨而不可

面數也其剛毅有如此者可親可近者情之和不可劫不可

則罕死不辱矣要其所以然者則養之有素焉其平日居不求安食不求美微有過差辨之即改必不至微色而發

聲蓋者欲淺則不屈于外物而勇於自勝亦不至受儒有挂于人也若以不可而數爲拒諫則非所以爲儒矣儒有

忠信以爲甲冑禮義以爲干櫓戴仁而行抱義而處雖有

暴政不更其所其自立有如此者戴亦作藏

言甲冑亦以自衛者禮義以處事也

信則人不忍欺禮義則人不敵侮

如戴義之體方而嚴故守之如也

雖處亂世而不變焉可謂能自守矣

論其所學所行足以待天下之用而

信所守足以任天下之變而不易

末先後儒有一畝之宮環堵之室

衣而出并日而食上答之不敢以疑

仕有如此者則縱廣皆十步也

各一丈也

如圭也

人共此上衣出則更服之也

孔謂數日止一日得食王謂并一日之糧

數人止得一人之日糧也並通答猶合也疑顧望而未決
詔貶道以迎合道合則從不可則去惟處能安貧故仕能
行道也。此以

上皆自治之事

儒有今人與居古人與稽今世行之後世

以爲楷適弗逢世上弗援下弗推讒諂之民有比黨而危

之者身可危也而志不可奪也雖危起居竟信其志猶將

不忘百姓之病也其憂思有如此者

信仲同。楷木名大幹小枝無二不直故

以爲正法之喻身雖居今而學必稽古若道必宗堯舜治
必法三王也今世行之則兼三王紹二帝所革所因是立
百王之大法即弗逢世而明王道正人心其無時不以天
下之憂爲憂者亦後世師也。此以下皆以及人者言之

儒有博學而不窮篤行而不倦幽居而不淫上通而不困

饋之以和爲貴忠信之美優游之法慕賢而容衆毀方而

瓦合其寬裕有如此者。家語無兩石二句。以用也。學博矣而猶口。所未知行高矣而猶

日勉所未勉。此其能寬裕之本也。如是而幽居則有其守。

上進則有其用。無往而不寬裕矣。蓋禮以忠信為本。而用

之則和為貴。必以忠信之美立其本。又以優游之法妙其

用也。優游之法何如。賢者固可慕。而眾未嘗不可容。我之

方固可毀。即眾之瓦未嘗不可合。此則其寬裕之事也。毀

方謂磨礪以去其圭角。瓦合如屋瓦之覆上下曲相成也。

陳謂陶瓦之事。其先正圓毀之則方者。四合之仍圓。于拙

容之中寓分辨之意。亦通寬容之廣。裕待之悠也。○許翻

曰。君子當大節。毋為瓦全。寧為玉碎。非精義而言瓦合是鄉原也。儒有內稱不辟親。外舉

不辟怨。程功積事。推賢而進達之。不望其報。君得其志。苟

利國家。不求富貴。其舉賢拔能有如此者。家語程功積事

句。君得其志。下有民賴其德。句。不避親怨。惟其賢能也。

小賢小能可效。一官任一職。則程算其功。積累其事。而進

之有才德皆大不可小知者則直推其賢而達之蓋進猶
自下以漸升達則自處而出顯也遇賢原以為國故不望
報于其人即君用之而大得其志苟利國家儒有聞善以
足矣亦不望君以進賢受主賞而富貴我也儒有聞善以
相告也見善以相示也爵位相先也患難相死也久相待

也遠相致也其任舉有如此者家語無此節○相告相示

憂樂同之也久以時言遠以地言相待我所已至望彼至
之相致彼所難至引而下之始終不論也任舉以德業之
衆鉅共相負荷若詩所云伊時仔肩也呂謂上舉接以待
天下賢能此任舉以待明友不與之同升不升不待之同
進不進兼有厚薄故也似偏儒有澡身而浴德陳言而伏靜而正之上

弗知也巖而翹之又_レ不急爲也_レ不臨深而爲高不加少而
爲多世治不輕世亂不沮同弗與異弗非也其特立獨行

有如此者

澡身自潔其身浴德日新其德此特立獨行之本也陳言者責難陳善而伏者務格君心之非

不徒以口舌爭也

下二句又申言之翹招同急束縛之馳

驟之也

務格君心故默而化之君若弗知即有時陳言若

翹君之過

而陳言而伏仍未嘗迫以強之也其行未嘗不

高而不臨人之卑

以爲喜其學未嘗不多而不加人之少

以爲多

世治可進而進必以禮原未嘗輕世亂而退而易

世之心

終未嘗沮即有時人同乎我而同中有異不以同

我而遂與之

有時人異乎我而異中有同不以異而遂非

之事上處人際

際際皆卓然不苟如此非有爲有守能

如是乎

○應鑑曰治不輕進若伯夷不仕武王亂不退汎

若孔子歷聘諸國

思謂同弗與異弗非若伯夷太公同就

養西伯而伐商之舉

太公涼之伯夷諫之而太公又未嘗

不解伯夷爲義士

蓋一經一權各有其道各行其志原進

行而不悖也

前專言特立惟有儒石上不臣天子下不事

守也

此加以獨行則更能爲矣

諸侯

慎靜而尚寬強毅以與人博學以知服近文章砥厲

諸侯

慎靜而尚寬強毅以與人博學以知服近文章砥厲

廉隅雖分國如錙銖不臣不仕其規爲有如此者朱語砥
句在強毅上○不臣不仕志之所規爲者大故不輕出也
慎靜戒慎恐懼約之至靜之中敬以持已也尚寬民胞物
與無不在吾懷保之內仁以及物也夫天下與物太寬者
或失之仁柔而又強毅以與人致靜於內者或淪於虛寂
而又博學以知服博學則能文章矣而文章究非所貴也
則但近之強毅則有廉隅矣而廉隅不可不飭也則更砥
厲之本末兼修體用具備而本末體用之分又未嘗不明
故雖分國以授而視之如錙銖終不臣不仕蓋必達可行
于天下然後行之其規爲之大固如此也算法儒有合志
十黍爲銖十銖爲兩二十四銖爲兩八兩爲鎰儒有合志
同方營道同術並立則樂相下不厭久不相見聞流言不
信其行本方立義同而進不同而退其交友有如此者家
無其行本方立五字○方猶鄉也術猶路也行卽術也所
志同所業同是同道之朋也山是而所造之地相等是並

立也相得益彰衆莫大焉其或此長彼短是相下也交資
互益又不厭焉久別而復言不信知有素也然營道
同術而行之所本合志與同方而方之所立又各有義焉
蓋有同爲一事而兩人所處之地不同則其義不同者又
有於之於義各有所處不妨各行其是事則相反而理實
相成者故義同則進不同則退也此其時措之宜不足與
乎其間矣孔以義字屬上爲句謂所本必方正所行必溫
合義湯謂本方正以立其義亦可通特于家語難訓耳溫
良者仁之本也敬慎者仁之地也寬裕者仁之作也孫接
者仁之能也禮節者仁之貌也言談者仁之文也歌樂者
仁之和也分散者仁之施也儒皆兼此而有之猶且不敢
言仁也其餘讓有如此者仁者天地生物之心而人得以
絕矣故必溫良以爲仁之本然仁之理皆具於心心而怠
惰則昏驕肆則放無以立其天命之本然故必謙慎乃有

以爲仁之地也。而未已也。仁爲德之全。而守之太狹。則不
安。仁爲道之遠。而期之大。則難久。又無以全其所受。而
致之於遠。故必寬格。乃當其修爲之道也。而猶未已也。仁
體事而無不在。接人處事。一有不當。雖無害于仁之大體。
要亦涵養之未純。故必豫以接人。而後仁見于能禮以節
事。而後仁著于脫。則內外兼資。本末交養。無遺而非仁矣。
至於言談歌樂。皆顯德所自流。分惠散財。亦推恩所必及。
則仁之暢於身發下事者。自有所不能已矣。仁至於此。則
上下同流。萬物各得。猶且不敢言仁。蓋仁無盡體。仁之功
亦無盡。不自滿足。終日乾乾之心也。尊者恭敬奉持。不敢
忽于己。讓者謙卑。儒有不隕穫於貧賤。不克詘於富貴。不
遷順。不教上下人。儒有不隕穫於貧賤。不克詘於富貴。不
思君王不累長上。不閤有司。故曰儒。今衆人之命儒也妄。
常以儒相訐病。充訓。一作慈。鄭氏曰。隕穫。困而失志之貌。
如有所割。充驕氣之忍。謝客氣之歉。愚謂隕穫者。自貶以
有求。充紳者。得意而自喪。恩厚累繫也。言道足於己。不以
禮已。儒行

富貴貧賤之境遇而移德尊于已不以君長有司之勢分而動此真儒也若無儒之行而為儒之服則妄而已為世訕笑不亦宜哉孔子至舍哀公館之聞此言也言加信行加義曰終沒吾世不敢以儒為戲今本無曰字家語有之○常具儒之言倍加敬之于儒之行倍加義之不敢相詬病且曰吾終吾身不敢以儒為戲蓋悔儒服之問近于戲而痛自改也

右第一章

孔氏曰前五條賢人之儒其十六條聖人之儒末則孔子自謂也○儒行一篇初

覺其粗及舉而按之身平生可自信者會無一二也孔子曰其言之不怍則為之也雖能無對此面戰戰哉張子曰某舊疑儒行今觀之亦多善處書一也已見與不見耳